



8640 V R A Y  
**D I S C O V R S**

DES INTERROGATOIRES FAICTS EN LA PRESENCE de Messieurs de la Cour de Parlement, par les docteurs Regents en la faculté de Medecine en l'Vniuersité de Paris, à Roc le Bailif, furnommé la Riuiere, sur certains poincts de sa doctrine



A P A R I S,  
 Chez P. l'Huillier, rue S. Iacques  
 à l'Oliuier.  
 Avec Priuilege du Roy.







A NOS SEIGNEURS DE  
PARLEMENT.

**N**OS SEIGNEURS  
 Lors que lon plaidoit si  
 solēnellemēt la cause d'en  
 tre les Doyen & Do-  
 cteurs de la faculté de  
 Medecine, les Recteur & Vniuersité de  
 Paris, iointꝫ avec eux contre Roc le Bail-  
 lyf surnommé la Riuiere, soy disant Me-  
 decin Spagiric & disciple de Paracelse,  
 fut dressé vn petit factum Latin, comme  
 extraict ou memoire de la doctrine Para-  
 celsique par l'un desdits Docteurs, lequel  
 auoit autrefois perdu temps à la lecture d'i-  
 celle: & il vous en presenta les principaux  
 poincts imprimeꝫ: Et quant aux impieteꝫ

abhominables contenuës és liures d'icelle  
 doctrine condamnées au feu par les Theo-  
 logiens de la Sorbone, avec prohibition de  
 ne les point publier, il les feit escrire à la  
 main au derriere dudit factũ, par ce qu'el-  
 les ne deuoient ny pouuoiet estre leuës tout  
 du long en audience. Or estant la Riuiere  
 condamné par arrest interlocutoire d'estre  
 interrogué par cinq de nous sur sa preten-  
 due doctrine & experience, & ce pendant  
 defences à luy de ne les exercer, il n'a au-  
 cunement obey ausdites defences, ains pu-  
 bliquement & plusieurs fois commis homi-  
 cide volontaire à vostre sceu. Toutefois  
 ayant esté interrogué deux fois deuât vous,  
 a autant de fois donné plaisir de sa science  
 infuse, plustost de la caue que du Ciel.  
 Mais estimãt estre peu de chose de la mar-  
 que d'ignorance deuant vn tel Senat, pre-  
 sente requeste pour estre receu à traiter des  
 malades: soubs laquelle estant mis, Pona-  
 tur in facco: derechef il publie vn liuret

intitulé, Deffence aux demandes des Docteurs de la faculté de Medecine, qui est grãdement cõtreuenir à vostre Arrest. Car sil est defendu, d'exercer selõ vne doctrine, à plus forte raison de la publier & semer. Et toute fois audit liure il ne respõd ny pres ny loin aux demandes que lon luy fait, ny en l'un ny en l'autre Examen, qui estoient la plus part absurditez erronees de son Demonstration. Et quand vous ordonnez quelque fois qu'il sera fait preuue de la suffisance d'un homme de lettres sur le champ, il n'est pas dit, qu'un mois apres il vienne estaller sa marchandise en papier: car il y a assez de telle science à vendre à Paris. Combien qu'en cedit liure il ne s'en voye aucune bonne, mais force confusions, arrogances, caillations, faulses allegations, mocqueries, & Coqs à l'asne, captions, prouocations, & deffiz à choses par vo<sup>9</sup> à luy interdites, qui est l'exercice de son usurpation de Medecine: qui mōstre vne grand cõtumace, & cõ-

temnement de vostre authorité. Et toute-  
 fois puis qu'il vous l'ose presenter, & que  
 plusieurs personnes n'estans pas bien infor-  
 mees de la verité, pourroient auoir vne si-  
 nistre opinion de ceux qui ne diroient point  
 le contraire: Il a semblé à quelques gens sa-  
 ges, qu'il falloit mettre en auant le fait  
 nud, & l'histoire simple desdits deux Exa-  
 mens & demandes, pour voir comme il y res-  
 pond: qui sera le vray sac & saZ de sa cau-  
 se. Et par ce qu'en tout sondit liure il se f-  
 saye d'establir la doctrine Paracelsique,  
 c'est à dire, renuerser toute autre ancienne  
 & authorisee, & à la fin il adioust vne res-  
 pōse audit factū: J'ay prins la peine de trās-  
 crire lesdits Examens, tels qu'ils m'ont esté  
 baillez au vray, par ceulx qui les ont pro-  
 posez, & desquels ne fault autres tesmoins  
 q̄ vous Nos Seigneurs, & ay mis quelques  
 petites notes contre sa responce à mon factū  
 à ce que par la conference desdites apostiles  
 la verité soit esclarcie. Vous suppliāt, Nos

Seigneurs, de ne lire point vn liuret sans l'autre, ou garder vne oreille à l'autre partie: & prédre en bõne part (suyuant vostre cõstume) si ie vous offre la deductiõ, en ce qui nous touche, de ce qui sest passé, & doit estre soubs la protection & targue de voz Arrests. Quant à enfoncer à viue iauge, & par forme de dialectique, comme il se deuroit faire, & rechercher par le menu les fondemens, si aucuns y a de la susdite doctrine: par ce que lon ne sçauroit dignemēt, & en peu de temps & papier, les donner à entendre à ceulx qui n'y sçauent rien du tout, & conuaincre ceux qui y sont aheurtē pour vne vaine esperance, imagination & interest particulier. J'ay pensé estre le meilleur, apres en auoir succé la substance, des raisons cõtraires, renuoyer aux liures, desquels ie l'ay tiré, & les marquer icy seulement. Lesdicts points & fondement semblent cõsister en dixsept Articles, qui sont:

1 De l'origine & antiquité de la vraye

*Medecine.* 2. De la preference de l'experience à la raison. 3. Des trois principes faulſement, ſuppoſez, Sel, Soulphre, & viſ-argēt, & du nōbre des 4. Elemens & humeurs. 4. Des nouvelles maladies & remedes, & ſi les Spagiriques ſont nouveaux ou de quand. 5. Si toutes maladies ſont guariffables. 6. De la neceſſité en Medecine de Spagirie, ou pl<sup>r</sup> artificielle ſublimation. 7. Si les maladies ſont guaries par leur ſemblable. 8. De la cognoiſſance & neceſſité d'Aſtronomie, & des iours critiques & quel eſgard l'on y doit auoir. 9. Comme c'eſt que l'on doit entendre que les corps inferieurs ſōt regis des ſuperieurs. 10. Des paſſages d'Hippocrate, Galien & Dioſcoride, ou faulſement, ou ignorammēt alleguez par Seuerinus & la Riniere ſur cette matiere. 11. De la cauſe materielle & efficiente, & tranſmutation des metaux. 12. De l'or potable ou exalté, ſçauoir ſil nous engraiſſe, & puiſſe eſtre arcane à toutes ma-



tes maladies. 13. De la Magie & de ses branches, sçauoir si lon peult & doibt en user en nostre art. 14. De la Chiromāce, si elle luy est formellemēt necessaire. 15. Du rāport des sept Planetes aux sept metaux, & sept parties nobles du corps. 16. De l'art signé pour cognoistre les proprietēz de toutes herbes, mesmes à la seule veuē. 17. De la diuision des maladies minerales, & des remedes mineraux: Et quelques autres qui en depēdent. De toutes lesquelles questions & problēmes il y a des hommes doctes de nostre temps & compagnie, qui en ont publié des traiteZ particuliers, & escriuent tous les iours. Et le touche pour vous monstrier de quel poix & consequence est cest' affaire, & combien d'aultres connoissances & professions ceste secte cy embrasse & suffoque. Non toutesfois qu'il soit besoing d'attendre que le temps vous aye faict paroir la verité d'iceux pour auoir nostre Arrest. Ou qu'il viēne tāt de plain-

tes des maluersatiōs de ces enuahisseurs de l'estat d'autruy que vous soyez contrainsts possible trop tard d'y entendre. Sur quoy le Dictum de Gamaliel & la comparaison de l'incogneu entrant en vne maison n'est receuable, sauf meilleur aduis : Car le tout se roule & tourne sur le puiot d'une premiere question, & derniere sçauoir: s'il est loisible, (encores q̃ tout ce que dessus fust biē prouué pour eux, & ne fust cōtraire à l'anciēne Philosophie & Medecine) de le publier sans cōgé & cōtre deffense par iugemens tāt anciēs que nouueaux, cōme ils font temerairement.

Quant au desfy & prouocation d'experience, à la quelle il fait cōtenance nous appeller: d'autāt qu'il semble nous laisser vne marque sur le front, i'y resson le plus court & clairement qu'il se peult faire, & monstre que c'est vne façō nouuelle perilleuse & incertaine, disproportionnee aux personnes & sans laquelle vous pouuez facilement veoir quel il faict au fond, par ce que lon

voit assés q̃ ses mains condānent sa bouche.  
 Pour le regard des discours politiques, &  
 de la manutention des priuileges anciens,  
 desquels lon n'abuse pas aucunement, &  
 & par consequent des estats instituez de  
 Dieu, & necessaires pour une telle ville:  
 Et des marques pour discerner la bonne  
 & faulse doctrine: & de la preuoyance  
 digne de vous, à fin qu'il ne s'introduise  
 d'erreurs plus qu'il y en a desia, au moyen  
 desquels les vrayes études & sciences de-  
 meurent desertes: & que c'est qu'abādonner  
 les malades: & s'il est bon de permettre que  
 celuy qui ordonne la medecine, la cōpose &  
 porte luy mesme. Et pour le regard du style  
 ou formule de la cause, antiquité, ordonnā-  
 ce, droict & toute bōne Philosophie natu-  
 relle & morale: il se pourra bien tost commo  
 démēt sçauoir du tresfameux plaidoyer du  
 Sceuole Parisien Monsieur l'Aduocat  
 Brisson, & de celuy de feu Monsieur Cap-  
 pel en mesme faict & parquet cōtre Mai-

stre Jean Thibault. Sur lesquels sont interuenus les Arrests, en la paisible possession desquels nous desirons estre maintenus: & sur lesquels (chose ennuyeuse & d'agereuse) nous sommes contraincts d'attendre un autre second iteratif & souuerain iugement, & le moyen de l'entretenir par le bannissement (puis qu'autrement lon n'en peult venir à bout) & le rechassement du sanglier hors la forest, en laquelle il pense tousiours froisser & brosser à couuert. Et ainsi faudroit faire tous les ans, si par vostre sagesse & bonté n'y est pourueu.

Nosseigneurs, Dieu vueille cōseruer vostre santé, afin que vous conseruiez la publique par la cōseruation, chacun en son rang, des membres d'icelle, sans y laisser introduire les monstres d'opinions, & bigarrement de nouueaux estats, entreprenans sur vostre vie & autorité.

In Rochi Baillifvi ementitam  
Medicinam.

*Frandibus, Hesperii iam notus, & arte  
Pelasga,  
Notus & Eois Riperianus erat.  
Sed veritus, ne non esset sua fama sat orbi:  
Cognita, notam imis manibus esse cupit.  
Quod prestare ipsi visa est ubi femina, posse  
Quæ dicenda loqui, quæq; tacenda solet  
Contigit una levis mulier sanabilis arte,  
Embryo cui latitās vëtre trimestris erat  
Officium simulans, inducta febre coëgit  
Praconem inferni regna subire Iouis,*

*Bonau. Grangerij Paris. M.*

Epitaphium nobilis Matronæ à Ri-  
periano interfectæ.

*Quos non viua tuli, nūc dulci lumine cassa  
Parco viris, quibus est fœmina visa levis.  
Consilium Medici nanq; aspernata fidele,  
Nugas esse putans Riperiani aliquid:  
Huius fraude, comes sum manibus addita  
nigris,*

*Mecum extincta gerens pignora cōiugij.  
Quæ sim, sollicitus ne percontêre viator,  
Sed vana falli credulitate caue.*

*Bonauent. Grangerij M. Parisiësis.  
Patria quæ repulit, tardi repulêre Britones  
Quod Rohana orba foret pignoris at-  
que viri.*

*Quémq; veneficij victū multasse Senatus  
Fertur, quæ assiduò mille pericla manent.  
Hunc oblita tui populosa Lutetia iactas?  
Urbs orbis caput es, cur capis omne  
scelus?*

*Gul. de Baillon. Paris. Med.*



RECUEIL DES DEUX  
EXAMENS FAICTS PAR  
cinq de Messieurs de la faculté de Me-  
dicine, contre Roc Baillyf, surnommé  
la Riviere.



APHILOSOPHIE

Chrestienne & com-  
mune morale com-  
mande, non seule-  
ment l'innocéce du  
crime, mais aussi

*Plutarch.  
in Cesare.  
Suet. in Iul.*

du soupçon d'iceluy, & que nous  
mettions peine de la faire paroître tel-  
le deuant les hommes : & deteste ce-  
luy, qui le doit & peut, & ne résiste au  
mal, & celuy qui s'ingere par tou-  
tes voyes sinistres en vn estat au-

*Cic. Off. i*

*Mathei. 18*

*Ad Cor. 7*  
*Ephes. 4.*  
*Ad Hebr.*  
 13.  
*Eccl. 10.*

quel il n'est appellé, & celuy qui est cause du scandale, & celuy qui s'oppose à ses superieurs, & ne leur obeit: & nous enseigne, que la responce de verité est simple, & s'accordant tousiours au vray, & que le faux ne consent iamais avec le faux. Et q̃ qui destruit vne haye est mors du serpent, & que l'on s'esgare aux nouueaux sentiers. Cecy se propose, afin qu'un chacun entende, pourquoy nous auons fait publier ces traittez Latins & François contre l'arrogance de Roc Baillif, le premier qui a semé des liures cōtumelieux & accusatiōs cōtre nous: qui est, à fin que la verité de la pure Medecine ne fust estouffée en l'esprit leger de quelquesvns, ne pouuans facilement discerner le bō d'avec le mauuais, & la santé publique endommagée par vn mont de promesses, de guarir toutes sortes de maladies, &



des vanteries pleines de mensonges,  
 & contre le priuilege dōné de temps  
 immemorial à la cōpagnie des Me-  
 decins de ceste ville, & depuis cōfer-  
 mé par le Roy Henry III. d'Angle-  
 terre, lors tenant Paris l'an 1423. sur  
 peine corporelle de n'exercer la Me-  
 decine à Paris, sans estre interrogué  
 par ladicte compagnie deuāt le Pre-  
 uost de Paris. Il a voulu temeraire-  
 ment subir par deux fois le iugemēt  
 de gens graues & dignes, & puis va  
 semer par tout, que lesdicts Examēs  
 ont esté faicts mal à propos,

*An l. noir  
 du Procureur du  
 Roy au  
 Chastellet.  
 fuesillet  
 clxxij.*

En premier lieu, incontīnēt apres  
 le premier Arrest il poursuit par Re-  
 questes pour estre interrogé, disant  
 qu'il estoit tout prest, & quasi nous  
 surprint:& le fut, comme il le demā-  
 doit, par deux fois: la premiere, en la  
 maison de Monseigneur le Président  
 de Morfan le xix. Iuin: l'autre à sa

*De xxiiij.  
May.*

requeſte en plein Parlement deuant tous Meſſieurs de la Cour. Au premier Examen, la plus grand part de l'apreſ-diſnee fut conſommee en ce different, qu'iceluy proteſte qu'il ne peut parler Latin. Les Medecins au contraire diſent, qu'ils ne doiuent ny ne peuuent examiner de la Medecine en langue vulgaire. Luy remonſtre, que les maladies ne ſe gueriſſent ny en Latin ny en Grec: que c'eſt aſſez que la choſe ſoit entendue, & les remedes cogneuz. Dauantage, que luy eſt Medecin François, & qu'Auicenne a eſcrit en ſa langue, Hippocrates & Galien en la leur. Au contraire les Medecins remonſtrét, qu'il eſt impoſſible qu'il ſoit Medecin, qu'il n'ait paſſé par les premieres lettres & eſcholes. Outre que ceſt homme ſe dit Docteur à Caen (qui eſt vne falſité digne de punition, comme il

a esté acertainé par les Docteurs de Caen à la requeste de Madame de Rohan ) & pource , qu'un Docteur examinant vn qui se dit Docteur, ne le peult examiner en François: principalement estant question d'introduire ou reietter la doctrine de Paracelse par le iugement d'un si grand Senat, duquel toutes les Escholes de France, Italie, Espaigne, Allemagne, attendent l'Arrest. Davantage, qu'il n'est possible, que n'entendât la langue Latine, il ait leu Hippocrates, Galien, Auicenne, & autres bons auteurs Grecs, Arabes & Latins, desquels la milliesme partie n'est tournée en François. En ce debat Messieurs de la Cour luy remonstrét, qu'il parle Latin tel qu'il voudra & pourra, qu'il sera excusé. Luy coupable de son ignorance, de rechef dit, qu'il y a long temps qu'il n'a veu ses liures.

qu'il y a quatorze mois qu'il est à Paris empesché à ses affaires. Quelqu'un des Docteurs pour plus euidentment monstrier l'ignorance dudit la Riuere, luy demande qu'il dise en Latin, il y a quatorze mois que ie suis en ceste ville. Il faict du sourd. Mais estant pressé, il dit qu'il escriroit bien en Latin, mais qu'il ne peut parler. Alors les Docteurs, sans prejudice du reste de l'Examen, demandent qu'il responde par escrit en Latin sur le champ à la premiere question qui luy sera faicte. Il ne peult reculer. Et pource la premiere question est telle. *Quæ fieri possit ut Paracelsus ab Hipp. & Galeno nihil dissentiat, cum Paracelsus eos sæpe ludibrio habeat, seseque huius tam reconditæ doctrinæ authorem esse scribat.* Alors iceluy la Riuere prend la plume, attentif comme ces petits enfans qui font

leur theme , remet en sa memoire quelque Latin de Paracelse , qu'il sçait par cœur, & escrit : *Parcellus non differt à veteris Medicis. Nam Hippocrates in libro de veteri medicina non dicit sanguis bilis esse principia , &c.* Voila le Latin de la Riuiere, que ie pense qu'on trouueroit encore escrit de sa main. Alors les assistans se prennent à rire, excepté quatre ou cinq, tous estourdis encore de la fumée du charbon. Et cependant la Riuiere toujours voulant cacher son ignorance par deux ou trois discours qu'il dit en tout lieu, s'en va mettre sur les trois principes, Sel, Soulfhre, & Mercure: & dit, qu'Hippocrates au liure *De veteri medicina*, les a cogneus, entendant, *per falsum, salem: acidum, Mercurium: amarum, Sulphur.* Chose mal prinse de *Petrus Seuerinus Danus, &c.* Car en ce lieu Hippoc. veut mon-

strer, qu'en la medecine ne fault pas  
 seulement considerer les premieres  
 qualitez, mais aussi les secōdes, com-  
 me, *salsum*, *acidum*, *amarum*, *dulce*, aut  
*aliquid simile*. *Tantum abest* repliqua le-  
 dict premier examinateur, *ut eo loco*  
*constituat tria ista principia nostrorum*  
*corporum*, *ut plane doceat quatuor pri-*  
*mas qualitates non esse simplices sed per-*  
*petuo adiunctas habere aut consequentes*  
*secundas qualitates*, quas eo loco designa-  
 uit per *saporum nomina*. Hócque triplici  
 demonstratione seu exemplo amplissime  
 ostendit. Primum ab alimentis quibus ve-  
 teres utebantur ante introductā Medici-  
 nā. Secūdū ab humoribus. Tertiū à fluxio-  
 nibus quæ à cerebro ruūt in oculos, in pala-  
 tū & in fauces. Neque enim cibi humo-  
 res morbi calidi sunt frigidi humidi sicci.  
 Sed alij calidi & salsi: Alij calidi & dul-  
 ces: alij calidi & amari: Alij calidi & a-  
 cres & sic de cæteris. Atque adeo sūt acres

*quidam humores & morbi ut sepe etiam  
tunicas oculorum aut in palato & fauci-  
bus ulcera excitent.* Et en cela ledict la  
Riuicre ne peut iamais respondre  
vn seul mot.

Puis apres vn autre Docteur en  
Medecine le veult interroguer sur  
toutes les excellences de son liure, &  
poursuyure selon l'ordre des scien-  
ces: dautant que par son liure il est  
cognu du tout ignorant. Et pource  
luy demande, de construire le tren-  
tiesme de ses Aphorismes, qui est, *Res  
omnis viuens & vegetans fame ac siti  
prædita esse conuenit.* Il respond qu'il y  
a faute en l'impression. On luy dict,  
*Emenda.* Il ne peut. Au quarantiesme  
Aphorisme il escrit, *Ex Mercurij sub-  
tilitate subitanæ efficitur mortem.*

Bref, on y voyoit en chascune li-  
gne vne infinité d'incongruitez, mes-  
mes en l'Adiectif & Substantif. Et

pour pourfuiure les autres sciences,  
on luy demande que c'est que Defi-  
nitiō. Il dit qu'il n'en doit respōdre.  
Le Docteur dit, que si, d'autant qu'il  
escriit. pag. 172. de son Demosteriũ,  
qu'il fault tousiours commencer par  
definition de la chose. Et outre la  
Sphere luy estant proposee & mise  
sur la table, il dit qu'il n'est tenu d'en  
respondre, mais seulement des grāds  
secrets qu'il a en la medecine: Et tou-  
tefois il ne se vante de rien plus que  
de l'Astrologie. Donq le Docteur  
qui l'interrogeoit, voyāt qu'il estoit  
du tout ignorant en toutes les autres  
sciences, vient à la Medecine, & luy  
demande l'Anatomie du cerueau.  
Luy respond que l'anatomie du  
cerueau estoit la Sphere de la Lune  
auec tous ses orbes. Alors les assistās  
fort estonnez de l'adite response, le  
Docteur qui netaſchoit qu'esclair-  
cir



cir la verité, dit, que selon Paracelse  
 au Paramiron, il y a deux sortes d'a-  
 natomie: l'vne materielle; qui est v-  
 ne comparaison du ciel & du micro  
 cosme: l'autre locale (que Paracelse  
 faulxement dit estre *parui momenti*)  
 qui est la commune, en laquelle les  
 Medecins trauaillent tant. Et pour-  
 ce il demande à la Riuiera, s'il scait  
 point la commune & locale anatomi-  
 mie du cerueau. Luy dit qu'ouy, &  
 qu'il est bien aise d'estre mis sur vn  
 si beau propos: & dit, Que le crane  
 de l'homme est bien dur, qu'en la te-  
 ste il y a l'instrumēt de l'œil, qui est  
 fort excellent; & l'instrument de  
 l'ouye, auquel y a le tympanum; &  
 vn os appellé tabais: & dauantage  
 qu'il y a au crane vn os triangulai-  
 re, qui guerist de l'epilepsie: que le  
 cerueau est couuert de trois men-  
 branes, la premiere, la dure mere, la

seconde, la pie mere, & vne autre petite deffoubs. Le Docteur avec impatience iuste voyant cest homme tant ignorant flageoller des choses à luy du tout incognues, & cognues au plus petit barbier de village, quel quefois l'interrompoit, & prioit Monsieur le President de le faire respondre à ses demandes, & qu'il dist l'anatomic du cerueau, & que d'icelle il n'auoit dit qu'une chose du tout faulse, à sçauoir qu'il estoit couuert de trois membranes : Et quant à l'os triangulaire, qui est selon les Paracelsistes au crane de l'homme, que c'est vne pure imposture, & que sur peine de cent escus la Riuiere eust à le monstrier en vn de trois millions de cranes qui se trouueront à Paris au cemistiere de S. Innocent, & ailleurs. La Riuiere ne respond rien, sinon que quelques Anatomistes, cō-

me maistre Ambroise Paré, disent, qu'il y a trois membranes qui enucloppent le cerueau. En quoy impudemment il impose & à maistre Ambroise, & qui plus est, à la verité.

Or voyans messieurs de la Cour, qu'il estoit impossible que les Medecins peussent endurer patiemment cest homme, qui à toute questiõ proposee tousiours chantoit l'vne de ses trois chãsons. (s'il n'auoit qu'vn dernier de la piece, il ne feroit pas l'or potable) à sçauoir de ses trois principes, Sel, Soulphre, & Mercure, de la separation du pur & de l'impur, & du microcosme, voulurent que les autres Medecins examineurs luy demandassent chacun vne question en vne chambre separee. Donq l'vn luy demanda, s'il estoit vray ce qu'il auoit escrit en l'vn de ses Aphorismes, qui est le 86. de la troiesme se-

ction, *Humores corporis in nullo morbo putrescunt nisi in lepra.* Luy fait escrire sa response par le Greffier, laquelle ie n'ay ouïe: mais ie sçay bien que c'est chose absurde, & contre tout sens commun.

Vn autre des examinateurs luy demande, si cela est vray que dit Paracelse au premier liure *De naturarum, que ex semine virili in cucurbita vitrea in fimo equino sepulta possit fieri homo.* qui est le passage le plus impie absurde, vilain & infame, qui fut iamais ny escrit ny prononcé. Je ne sçay quelle respõse il dõna pour lors par le Greffier: mais depuis au secõd examen il respondit, qu'il ne suiuoit en cela Paracelse. Et nonobstãt qui regardera & lira diligemment le xj. Aphorif. de la iiij. section, il trouuera que la Riuiere, qui n'est qu'un singe de Paracelse, transcriuant ses es-

crits sans iugement & y rien entendre, en dit autant. Les choses ainsi passées, monsieur le President de Morfan donne congé ausdits Medecins & à la Riuiere.

Le premier examen faict selon l'Arrest interlocutoire de la Cour, les Medecins attendoyent l'Arrest definitif. Mais ledit la Riuiere se doutât de sa cause pour son incroyable ignorance, autant fin & ruzé qu'ignorant, presente Requête à la Cour, par laquelle il dōne à entēdre qu'il n'a peu respondre de sa doctrine & de ses grands secrets, d'autant qu'il a esté interrompu par l'impatience des Medecins, & qu'il n'a esté interrogé que sur des choses de neāt comme, *Quid est Dialectica? Quid est Definitio?* Et pour ce, qu'il supplie d'estre interrogé en pleine Cour. Ce qui luy est accordé avec vn contē-

tement des Medecins qui estoient bien aises que ledit la Riuiere ne se contentoit point que son ignorance & impudēce fust cognue priuēment, mais la voulut descouurir en la face de toute vne Cour.

Pour ce les Medecins examinateurs & la Riuiere se trouuēt au Palais par le commandement de Messieurs de la Cour. Et en premier lieu Maistre Hierosme de Varade, Docteur & Doyē anciē de la faculté de Medecine, & Medecin du Roy y a quarante six ans, qui a eu cest honneur y a cinquante ans d'auoir surmonté en toutes sortes de lettres Guinterius, duquel la Riuiere fait si grand cas, interroge la Riuiere sur le xcj. Aphorif. de la iij. section, qui est, *Vniuersa intestinorum regio est colica & iliaca locus.* Et demande premierement à la Riuiere, *ut exponat*

*uniuersam intestinorum anatomen, singulorum nomina, compositionem, magnitudinem, numerum, figuram, situm, officium.* La Riuere respond, Qu'il y a vn boyau qui est petit, l'autre est gros, & puis qu'il y a le mesentere. En quoy fault considerer vn grand secret, que là se faict la separatiõ du pur & de l'impur, qui est l'vne de ses trois chançons ordinaires. Lors le bõ Seigneur de Varade, qui n'ouyt iamaïs en sa vie telles folies, s'estõnoit de l'impudence de cest ignorant, qui ne sçauoit pas l'anatomie des intestins, qui est la chose la plus triuiale de la Medecine. Et voyant qu'il n'en pouuoit tirer autre chose ( *car nemo dat quod non habet* ) il luy propose vne autre question, à sçauoir, *In quo intestino fit colicus dolor & iliacus.* Luy n'entendant rien, respond, qu'il se fait au gros boyau, ne pouuant distinguer

le lieu de la colique & de liliaque.  
 Puis monsieur de Varade demande,  
*In recto intestino non fit colicus dolor nec*  
*iliacus, sed morbus proprius, scilicet tmes-*  
*mus*. La Riuere respōd, que *tmesmus*  
 (c'est ce qu'on appelle ordinairement  
 expressions) ne se fait pas au boyau,  
 mais au siege. Dieu sçait qu'elle indi-  
 gnation en leur cœur auoyent les  
 Docteurs d'ouyr vne ignorance tel-  
 le! que si le moindre apprétif & bar-  
 bier auoit dit cela, il seroit chassé de  
 l'eschole des barbiers. Et nonobstāt  
 la Cour de bonnaire prestant l'oreil-  
 le aux parties tant qu'elles veulent,  
 commande qu'on poursuyue l'e-  
 xamen.

Le second examinateur Maistre  
 Vincent Mustel, homme de bon iu-  
 gement, fort versé aux bones lettres,  
 luy demande s'il est vray que, *Omnis*  
*febrium paroxysmus sit tremor*, selon  
 qu'il



qu'il escrit en l'Aphorif. 85. de la 3.  
 section: veu que *in continuus febris  
 est paroxysmus, & tamen non est tremor.*  
 La Riuere en lieu de luy respondre  
 à ceste questiõ, s'en va à son Sel, Soul  
 phre, & Mercure: & dit, que le paro-  
 xysme des fieures vient de ces prin-  
 cipes, & que la cause des periodes  
 des fieures est, que la fieure quarte  
 se fait du sel, lequel estant le plus ter-  
 restre, la digestion de sa residence ne  
 se fait qu'en trois fois vingt quatre  
 heures: & pource se fait la fieure:  
 quarte: Et que la digestion de la resi-  
 dence du Soulfhre se fait en deux  
 fois 24. heures, & pource, qu'il se  
 fait la fieure tierce: & que la dige-  
 stion de la residence du Mercure se  
 fait en 24. heures, & pource, que la  
 fieure quotidienne en est engendree.  
 Ceste responce outre qu'elle est ab-  
 surde & pleine de resuerie, elle n'est

en rien à propos de la question : & pourcc ledit Docteur Mustel demande qu'il responde à sa question, & dit dauantage, *In nulla febre paroxysmus tremor est: Et etiamsi febris diceretur frigus vel horror, vel rigor precedens, non tamen tremor.* Et pourcc, il demande, *quid intersit inter rigorem & tremorem.* Luy ne sçachant aucune definition de medecine, dit, que cela s'appelle en la fieure tremblement. O impudence estrange: Vn pur manieur de metaux desia plusieurs fois emprisonné pour la faulse monnoye, ose respōdre de la medecine si mal, present vn tel Senat!

Le troisieme examinateur maistre Nicolas Iacquard, homme grād Philosophe, bien versé en la theorique & pratique de medecine, interroge ledit la Riuiere, *Quid est pleuritis?* Il respond, la peste estre vne grā-

de maladie, qui est faicte du sel arsenical, & faict vne longue digression des sels (ie laisse à penser à ceux qui sçauent que c'est que les escholes des bonnes lettres, combien ledit Iacquard portoit cela indignement) & à la fin vient dire, que la pleuresie est faicte *ex sale ogerato*, selon qu'il escrit en la 3. section, *Aphorif. xciiij.* Ledit Iacquard voyant tout cela n'estre rien à propos, luy demande, *Quæ sunt signa pleuritidis.* Il dit qu'on cognoist la pleuresie, quand on a mal au costé avec la fièvre, & ne dit rien d'auantage, qu'une simple femme, ou garde de malades n'eust bien dit. Le moindre estudiant en medecine eust respondu, qu'il y a cinq signes propres, autremēt pathognomoniques, de la pleuresie, à sçauoir douleur de costé poignante, fièvre aiguë, toux, difficulté de respiratiō, le poulx dur.

Dauantage ledit sieur Iacquard luy  
 demande, *An vera & propria pleuri-*  
*tidis solutio fiat per sudorem:* ce qu'il dit  
 en ses Aphorismes improprement,  
*Emunctorium pleuritidis est sudor.* La  
 Riuiere respōd, qu'ouy. Iacquard au  
 cōtraire dispute ainsi: *Materia pleuri-*  
*tidis est sâguis vel pituitosus vel biliosus,*  
*vel melancholicus, qui obsidet tunicã suc-*  
*cingentem costas & musculos mesopleu-*  
*rios internos, eâque materia quæ iam è*  
*venarum osculis excidit, facile in pulmo-*  
*nes resudat, & non potest permeare per*  
*tunicam succingentẽ costas, & nõ potest*  
*remeare in venas maiores, & ex iis in*  
*capillares, ex iis tandem in cutem effusa*  
*per sudorẽ exernatur.* Itaque materia pleu  
 ritidis commodẽ per sputa reiicitur, non  
 autẽ per sudores, consensu omniũ medico  
 rũ quã etiã quottidiana confirmat expe  
 rientia. La Riuiere ne pouuant rien  
 resumer ny repeter de la preccedente

argumentation, respond, en la medecine fault principalement considerer l'experience. En la ville de Paris plusieurs sçauēt que i'en ay beaucoup guaray de la pleuresie, les faisant suer, & leur baillāt pour ce faire de la pouldre de dent brochet, avec de l'eaue de chardon benist. Au contraire ledit Iacquard dict, qu'en plusieurs lieux nommément en la maison de monsieur de Villequier, à la fille de son concierge, la Riuiere a baillé ce remede sans aucun proufit, omettant la saignee, mettant les malades en danger de leur vie, iusques au cinquiesme ou sixiesme iour que le medecin rationel appellé, incontinent la feit seigner, & le iour mesmes fut guarie. A quoy ledit la Riuiere dict qu'il ne sçauoit que c'estoit.

Le quatriesme examinateur, nom-

mé maistre Michel Marefcot, com-  
 mence, & dit: *Vtinam, Patres cōscripti,*  
*daretur nunc mihi doctus Paracelsicus, si*  
*modò aliquis est, cum quo per quatuor ho-*  
*ras disputare coram vobis liceret: Ego*  
*eum vobis ita exornatum darem, ut eum*  
*huius tam falsa absurdaq; opinionis pæ-*  
*niteret, sibiq; ue ignosci à vobis postularet.*  
*Quoniam verò nobis res est cum hoc homi-*  
*ne planè ignaro, mihiq; vix quadrantis*  
*horæ usura conceditur, agā breuibus. Pri-*  
*mum itaque peto Riueri, ut hanc argumē-*  
*tationem diluas. Tota hominis anatomia*  
*est in bolo panis, ex Aphor. xviii. sect. ii.*  
*Aphorism. Riuerii. Totius mundi anatomi-*  
*cia est anatomia hominis, ex Aphor. xv.*  
*eiusdem sect. Ergo totius mundi anatomi-*  
*cia est in bolo panis.* La Riuere res-  
 pond, qu'en cela il n'y a rien absur-  
 de. En premier lieu, que l'homme est  
 le microcosme, & que toutes les par-  
 ties de l'homme respondēt aux par-

ties du ciel, & que tout l'homme est en vn morceau de pain, d'autât que le pain nourrit toutes les parties de nostre corps: & qu'il dit, que tout le mōde est vn morceau de pain, pour ce qu'il nourrit beaucoup & pource que nous prians Dieu, disons, Dōne nous aujourdhuy nostre pain quotidien, & nous ne disōs pas dōne nous vn poulet. Voila la philosophie de la Riuere prinse du Paramiron de Paracelse. Ledit Marefcot voyāt le dit la Riuere n'ētédant l'opiniō Paracelsique, dit, que ceste opinion est celle d'Anaxagoras, qui disoit *ᾧ ἀντα ἐν ᾧ σιν εἶναι*, & *principium rerū omnium* dicebat esse *ὁμοιομερῆαν* & *ᾧ ἀνσπερμῆαν*: in unaquaque re omnia actu esse, sed apparere hoc vel illud, quia huius vel illius plures partes haberet. Res omnes secretionē sola sine ulla commutatione, aut noua formæ introductione sie-

*ri:qua sententia Anaxagoræ satis refutata est ab Aristotele, 1. Physi. cap. 4. Et selon ceste opinion mesme Parcellse au liure De causis morborum : dit ainsi, Cùm itaque, ut ad rem veniam, ab homine quoque stercus & nutrimentum comedantur & bibantur, &c. Ce que le Docteur examinant ne voulu citer, de peur d'offenser les oreilles des iuges, comme vne infinité d'autres inconueniens qui suyuent ceste opinion, & cela n'estant qu'une entree de sa dispute, pour le môstrer ignorant en la Physique, comme il auoit desia monstre en la Grammaire & Dialectique. Puis venât en la medecine, il dispute du Cancer, & demande, comme on congnoist le Cancer. La Riuiera respond que c'est vne tumeur dure inegale, faisant quelque fois douleur, quelquefois non, laquelle du commencement est petit*  
*comm*



comme vne febue, puis croist. Le Docteur dit, que la Riuiera rudemēt & imparfaictement a declaré les signes du Cancer, qui son tels, dureté, inequalité, couleur liuide, moyenne entre noir & rouge, que les Grecs appellent *πελιδνός*. Au tour du Cancer on sent des coups comme de pinctures. On voit à l'environ des veines liuides, noiraistres, tortues cōme les pieds d'un Cancer, que vulgairement on appelle la patte d'oye. Puis il demande, *An cancer iam factus*, qui est *ἐν τῷ εἶναι*, *curari possit curatione perfecta*. La Riuiera respond, que Galien dit, qu'au commencement le chancre se peut guarir: mais depuis qu'il est confirmé, comme de huit ou dix mois, qu'il ne se peut guarir. Marescot dit: Pourquoi donc vous & vostre maistre Paracelse promettez de guarir non seulement les chā-

eres cōfirmez, mais aussi la lepre cōfirmee? La Riuere respond que le chancre se guarist non par les remedes ordinaires, mais par le grand secret, qui est l'or exalté. Marefcot obiecte : *Curatur vel ἐμπυήσεται, vel διαφορήσῃ, id est, suppuratione, vel resolutione: non resolutione, quia tenue quidam in halitum verteretur, crassior pars maneret: non suppuratione, quia quotiescunque cancer occultus, i. non ulceratus, & ad suppurationē vertitur, citiùs ager interit, ex illo Hippocratis oraculo: Cancros occultos non curare melius est, curati enim citiùs intereunt.*

La Riuere n'entendant ceste medecine, ny autre demonstration, que ledit Marefcot luy eust peu apporter, ne respōd autre chose, sinon que ce n'est pas la mesme raisō du Cácer, & des autres tumeurs. Pour ce ledit Marefcot luy demande, comme il

auoit guarý le Cancer de Madame Couppé, femme d'un Auditeur des Comptes, nommé Couppé: laquelle depuis les defences faites par Arrest de la Cour, à luy de practiquer, a presenté Requête à la Cour, qu'il pleust à Messieurs, que nonobstant l'Arrest il luy fust permis de la panser; & estant esconduite (*quia non auditur perire volens*) la Riuiere la va veoir. Il luy ouure vn Cancer fait & formé en sa mamele avec poiure & leuain (ie suis certain qu'il y auoit des Cantharides, & le sçay d'un familier de la Riuiere, qui a esté en Bretagne avec luy) & d'auantage luy veut prouoquer ses mois, & pour ce, luy fait receuoir des parfums violents en la matrice. Le Cancer estant ouuert, & vn enfant qu'elle auoit en matrice mort par les parfums, la pauvre femme tend à la fin. On ap-

pelle les Medecins & Chirurgiens, à sçauoir Messieurs Laffilé, Allen, & Paulmier Medecins, maistre Pierre Pigré Chirurgien du Roy : lesquels la voyans, disent à son mary, qui auoit tant chery la Riuiera, que sa femme estoit proche de la mort. Ils furent appelez le Lundy, elle mourut le Mardy au soir. Le Doyen de Medecine estant aduertý du fait, se retire vers monsieur le President de Morfan, luy predict la mort, & supplie qu'il luy soit permis d'informer. Nonobstant il ne peut impetrer pour plusieurs & grands empeschemens, & quelques iours de festes. Ce pendant le iour de l'examen, qui fut le Vendredy d'apres, vient, auquel ceste histoire fut proposee en la face de la cour. De laquelle la Riuiera estât examiné par ledit Marefcot, il respond froidement, comme coul-

pable d'auoir contreuenue à l'Arrest,  
 & d'un si euident homicide, & con-  
 fesse que c'estoit vn Cancer, & qu'e-  
 stant prié par Monsieur Carles, pa-  
 rent de ladite femme, de la panser,  
 qu'il auoit trouué qu'il n'y auoit  
 plus par dessus qu'une petite peau,  
 qu'il auoit ouuerte avec du poiure  
 & du leuain. Alors ledit Marefcot  
 supplie la court, qu'il soit escript, *in*  
*perpetuam rei tam nefariae memoriam.*

Que la Riuiere a mis sur vn Cancer  
 du poiure & du leuain. Car soit qu'il  
 fust tumeur simple ou vlcere, que tel  
 remede n'y conuenoit (& si il n'alle-  
 guoit point les Cantharides) mais au  
 contraire le falloit doucement trai-  
 ter, comme tous praticiens sçauent,  
 & que la Riuiere auoit couppe la  
 gorge à Madame Couppe. Car tout  
 homme qui ouure vn Cancer en la  
 mammelle, ou autre lieu, il fait mou

rir bien tost le malade, le chancre vlcéré rampant & gaignant les parties nobles, comme la Riuere; a auoit fait au contreroolleur d'Alençon, le traitant cinq sepmaines ( combien qu'impudemment il ait dit qu'il ne la veu qu'vne fois) & luy ouurant vn petit Cancer qu'il auoit sur la verge: dequoy il mouroit miserablement, se repentant de s'estre mis aux mains de ce trompeur. Que si ledit la Riuere n'eust ouuert ledit Cancer de Madame Couppé, mais ou laissé sans remedes (Côme viuét plusieurs femmes, qui portét en la māmelle vingt ans vn Cancer non vlcéré) ou le traitant, côme il faut, seulement en adoucissant les douleurs, Madame Couppe fust encore en vie, & eust porté vn bel enfant, lequel il a tué avec sa mere par ses parfums, ne sachant par sa Chiromance; par laquelle il

cognoist la santé & maladie, qu'elle estoit grosse. Voila l'histoire au vray, laquelle messieurs de la Cour ayās ouye, bien proposans selon leur equité & iustice accoustumee de faire droict, dirent que c'estoit assez de ce point, & que l'autre examinateur parlaist. Nonobstant ledit Marefcot supplia de luy donner encores vn peu de temps. ce qui luy fut accordé. Alors il dist: La Riuiere, n'avez vous pas dit au premier examé en la maison de monsieur le Presidét de Morfan, qu'il ya au crane de l'homme vn os nommé triangulaire, ignoré par les Medecins Galenistès, lequel guarist infalliblement de l'Epilepsie? mōstrez le: voila deux beaux cranes entiers & naturels, desquels l'vn à esté enterré, l'autre non. La Riuiere mōstre l'occiput, & dit qu'il doit estre là. Marefcot dit: mais il ny est point.

La Riuiera demande terme de quinze iours pour le monſtrer: ce qui eſt ridicule, & meſme indigne d'un ſi excellet charlatan. Mareſcot alors pourſuit: N'avez-vous pas dit, la Riuiera, en pleine Cour, quatre mille hōmes oyās, entre vne infinité d'impoſtures, que vous guariffiez les fieures quartes eſtans aux rains par la ſaignee, non de la veine du bras, ou de la main, mais d'une petite veine tortue (ce ſont les paroles de ceſt ignorant) que nous auōs ſur les reins? Je ſouſtiens que c'eſt vne pure impoſture, & qu'il n'y a ſur les reins vne veine qui ſe puiſſe ſaigner: ce que tāt par l'anatomie, que pour la voir, j'ay faiēt chercher par les plus excellens Chirurgiens & ſaigneurs de la ville de Paris. La Riuiera, qui met en auāt choſes qu'il ne vit, n'y ne fait iamais, reſpond que ſi on ne trouuoit point

ceſte



ceste veine, qu'on y mist des ventou-  
ses. Mais s'il a fait ouurir ceste veine,  
que n'a-il respõdu qu'elle se trouue,  
& par qui il l'a fait ouurir : veu que,  
comme il a dit en plein Senat, qu'il  
voit tous les ans trois mille malades?  
S'il ne l'a point veuë, ny fait ou-  
urir, pourquoy impose-il à vne telle  
compagnie?

Or l'heure approchant, Marefcot  
par le commandement de la Cour  
met fin à son examẽ. Toutefois il dit,  
que volõtiers il presenteroit à la Ri-  
uiere vne salade composee de qua-  
rante ou cinquante herbes : d'autant  
qu'iceluy la Riuere auoit dit en plei-  
ne Cour, qu'il en auoit cinq cens à  
monstrer aux Medecins, qu'ils ne co-  
gnoissoyent pas. Lors la Cour ordõ-  
ne que le cinquiesme examinateur  
parlast, & que les herbes fussent re-  
seruees à la fin.

De la Bistrade estimant auoir affaire à vn ignorant de la pretendue Medecine de Paracelse, s'arresta sur trois points compris en la Requête presentee à Messieurs de la Cour de la part dudit la Riuiera. L'vn desquels estoit, qu'au premier examen à luy fait l'on n'auoit aucunement cōferé de medecine. Surquoy de la Bistrade remonstra, que la question par luy proposee au premier examen, estoit telle, qu'elle comprenoit tout le fondement de la secte de Paracelse, faisant mention de la putrefactiō, qui est la principale piece de l'art Chymique: & par cōsequent qu'il auoit amplement traicté de la medecine. Et d'autant que ladite question estoit de telle importance, qu'elle concernoit l'estat & le public, luy reitera en ceste façō. *Aphoris. II. sect. 3. quo scribis, Omnes res extra ventriculum*

*Parac. li. 7.  
de nat. rerū  
pag. 449.*

in vitro, ab una forma, essentia, colore, odore, virtute, proprietate & qualitate, in aliam transmutari, est Paracelsi. initio lib. i. de nat. rerum. quod loci, hunc Aphorismum trium exemplorum appositione illustrat. Primum est oui Gallinae, quod in vitro, & cineribus naturam pulli induere contendit. Alterum est avis mortuae quam in cinerem reductam, cucurbita demum inclusam, ventris siue fimi equini putrefactione, in integrum restitui, & pristinae vitae reddi asseuerat. Tertium est seminis humani, ex quo in eadem cucurbita, & putrefactione hominem siue homunculum procreari arte tenet, accurateque defendit. Quaro igitur an postremam hanc de homunculi procreatione sententiam, Aphorismo tuo connexam necessario, putes veritati consentaneam. A quoy la Riuere fit response, qu'il ne vouloit en cest endroit tenir le party de Paracelse. Lors repliqua de

la Bistrade, qu'il ne pouuoit nier honestement ceste opinion, si par mesme moyẽ il ne reiettoit l'Aphorisme susdit, & par consequent consentir la ruine du premier fondement de l'art Chymique. Là dessus la Riuiera se teut. Et peut on dire de luy, *Miserum est non posse negare quod turpe sit confiteri.*

La seconde question estoit sur ce que la Riuiera en sa requeste taxoit soubz main les medecins, pour n'auoir aucunement disputé avec luy des maladies inuisibles, cõme ignorans d'icelles. Surquoy de la Bistrade ayant sommairement discouru deuant Messieurs, comme Paracelse auoit escrit cinq liures des maladies inuisibles, le second desquels n'estoit en lumiere, & que de ceux qui estoient, le subiet & la matiere n'estoient que de choses abominables:

Comme au premier, des enchante-  
 ries qui pullulent, & se font par ima-  
 ges de cire: Au troisieme, des sottises  
 & fales imaginations des vieilles &  
 decrepites: Au quatrieme, des mi-  
 racles que lon attribue aux sepul-  
 chres & reliques des Saincts: Au cin-  
 quiesme de la vertu & puissance des  
 caracteres. Ce que ayant esté par de-  
 la Bistrate succinctement deduit, vsa  
 de ces mots à la Riuere. *Paracelsus 5.  
 de causis morborū inuisibilium scribit: Li-  
 cere cuius (si modò necessitas flagitet) in  
 morborum inuisibilium curatione, uti o-  
 pera diaboli. Et paulò suprà: Si latro, vel  
 diabolus ipse, homini delapso in foueam  
 fuerit auxilio, non minùs id beneficij tri-  
 buendum putat Deo optimo maximo, quàm  
 si Apostolorum unus idem contulisset?*  
*Quærò igitur, an hæc morborum inuisibi-  
 lium curatio, alioqui impia, tibi probetur?*  
 En ce lieu la Riuere renia son mai-

stre, cōme il auoit fait au precedent.  
 Quoy voyant de la Bistrade, addres-  
 sant sa parole à messieurs, dist ce qui  
 s'ensuit. *Si quidem patronus & discipu-  
 lus Paracelsi, praeceptorem impietatis cō-  
 demnat, petimus à vobis, multis & sup-  
 plicibus verbis (Patres conscripti) ut libri  
 Paracelsi publica censura è medio tol-  
 lantur.*

Le troisieme poinct consistoit en  
 ce, que la Riuiere par sa requeste sem-  
 bloit reprendre les Medecins, com-  
 me iamais n'ayans entendu, que les  
 Anciēns eussent nommé les maladies  
 par le nom de leurs remedes. *Exempli  
 gratia*, si quelcun appelloit, suyuant  
 l'opinion de Paracelse, la Lepre, ma-  
 ladie de l'or, l'Epilepsie, maladie de  
 Vitriol, & ainsi des autres. Pour auoir  
 esté lors pressé du temps & de l'heure  
 fit ceste question sommaire. *Cedo: qua-  
 tuor morbis in tuo libello supplice nomi-*

*natim prolatis, lepræ, podagræ, hydropisi, epilepsie fuitne antiquis à remediis nomē impositum?* La Riviere fit vn discours fort ennuyeux à vne si notable compagnie, sans iamais toucher au principal de la matiere. Ce que voyant de la Bistrade, supplia treshumblement la Court de commander à la Riviere, qu'il nommast vn seul auteur anciē, qui eust appellé les maladies par le nom de leurs remedes. Et lors la Riviere estant au bout de son Latin, & contraint à son grād regret de respondre à propos, nomma Machaon trefancien medecin, renommé au temps du siege de Troye. De la Bistrade ne peut se cōtenir de proclamer: *O impostorem, qui Machaonem sue ignorantie, ne dicam impudentie, testem producit, à quo libri vel nusquā (uti est verisimile) editi, vel saltē in manus nostras non pervenēre! Neque Homerus. 2.*

Et 14. Iliad. vel quiuis alius de Machaone verba faciens, illum morbis à remediis nomina imposuisse memoria prodiderit.

L'examen ainsi finy, on commande à Marefcot de présenter la salade à la Riuiere: laquelle luy sembla tant amere, & de si difficile digestiõ, qu'il n'en sceut aualler vne bouchée. En premier lieu on luy presente *Valeriana rubra*. Laquelle ayant bien regardée, il ne peut dire le nom, ny déclarer sa figure, ny son espece: mais seulement dit, qu'il a vn grand & admirable art, nommé l'Art signé, par lequel voyant la fueille de l'herbe, qui est comme la main en l'homme, il dit la vertu. Lors ledit Marefcot luy dit: Expliquez la vertu de ceste herbe par l'art signé. La Riuiere dit: Elle respond aux muscles du ventre. Marefcot luy eust volontiers demandé la figure des muscles du ventre extérieur



rieur dont il l'eust bien conuaincu; mais l'heure pressoit, & eust perdu sa peine. Car comme est-ce que la Riuere eust exposé l'anatomie des muscles du vêtre, qui n'a sceu dire le nombre des intestins? Joinct qu'il est du tout absurde & ridicule de dire, que les fueilles de ceste herbe ressemblēt aux muscles de l'abdomen.

Dauantage, vn des messieurs de la Cour, qui se delecte merueilleusement en la cognoissance des herbes, demande à la Riuere, *Quid est Phu?* La Riuere respond, *est Valeriana*. Ce Sénateur dist, vous la tenez. Puis on luy presente *Alsadaracum Auicenna*, autrement, *Fraxinella*. Il ne sçait que c'est. Puis *Ferula galbanifera*. Encores moins. Le Sénateur dit : C'est de quoy on tire le Galbanum des Apothiquaires. Puis on luy presente vne branche de Lentisque. Il ne la

cognoist point. Alors Marefcot dit: C'est celle qui engēdre le mastic, duquel tu as tāt fait tirer de quinte effēce. Au pānier où estoit la salade, ie ne sçay comment par inaduentence on auoit mis vne espeece de rue, qu'on appelle *Ruta montana*, laquelle par son odeur, couleur & figure facilement se fait cognoistre: mesmes plusieurs des assistans, qui ne l'auoient iamais veuë, congurent que c'estoit vne espeece de ruë, principalement à son odeur: Et nonobstant la Riuere ne la cognut. Lors Marefcot dist: Je m'esbahy qu'il ne l'a congnüë, veu qu'estant si souuent prisonnier, il a tant demādē la rue. Messieurs voyās l'heure proche, donnerēt congé aux medecins & à la Riuere, Ledit Marefcot ayant grand regret qu'il n'auoit goustē du reste de sa salade. Car il y auoit au fond du pannier de dix

ou douze sorte de chardons, qui est la vraye pasture des asnes, & par conséquent de la Riuier.

Voila l'examé tel qu'il a esté fait, & à la verité. En quoy les medecins ont eu grád regret, qu'il ne s'est trouué quelque docte Paracelsiste, pour l'interroger plus philosophiquement, plus subtilement & doctement. Mais qu'eussent-ils fait avec cest homme, qui n'entend pas la concordance de l'Adiectif & du Substantif, qui ne sçait que c'est de respondre, ou resumer vn Syllogisme, qui ne sçait les principes de physique, qui parle de l'Astrologie, & ne congnoist les cercles de la Sphere? bref, qui ne sçait rié que manier les metaux, & n'a plus grande recommandation, que pour estre accusé de la faulse monnoye. Pour faire fin, i'ose bien dire, qu'il s'est trouué beaucoup de charlatans,

imposans à vne grande troupe de peuple, mais que iamais n'en fut vn, qui tant effrontément se mocquaſt d'un tel Senat, auquel il eſt dangereux de tellemēt imposer, ſans eſtre bien puny, comme de raiſon.

Or puis qu'il ne ſeſtime digne d'eſtre eſcarté par ces deux interrogatoires, & qu'il veūt venir aux priſes, & que pour ce faire il en a preſenté requēſte à Meſſieurs de la Cour, & le ſeme par tout. Et maintenant il ſemble nous y prouocquer par ſon liure en forme de Cartel: Combiē qu'il n'y aye celuy de nous qui ne ſoit tref-aïſe d'entrer en concert, & honeſte diſquiſition & reſolution avec les plus dignes & approuuez Medecins de la Frāce, pour faire reluire l'excellence de la Methode à cognoiſtre & iuger des plus grieſues maladies, & ſcauoir ſi elles

font curables ou non, & y employer  
 tēps & labour pour en venir à bout.  
 Si est ce que nous ne deuons ny pou-  
 uons venir aux mains avec luy (cō-  
 me il appelle) ny en public ny en *Première*  
 particulier. Tant parce qu'il nie les *raison.*  
 principes, & les constitue metalli-  
 ques, & alienes de nostre nature: Que <sup>2</sup>  
 d'autant qu'il est ia rebuté & déclaré  
 indigne par arrest d'exercer ladite  
 profession: Et si il ne tenoit qu'à dire: <sup>3</sup>  
 ie feray mieux telle charge qu'un tel  
 dōc i'auray sa place, il se verroit biē  
 plus de remuements, & moins d'of-  
 fices à la taxe, & force cōmis, clercs,  
 & seruiteurs occuperoiēt le siege de  
 leurs maistres.

Et combien qu'il n'y ayt si petit <sup>4</sup>  
 praticien qui ne se rie sous son cha-  
 peau de cest offre, sachant bien que  
 ce feroit la plus gentille allonge de  
 proces quel'on scauroit tirer aux

déts si elle auoit lieu en pareils pro-  
 cez. Et que ceux qui ont hâté les pri-  
 sons comme luy a fait (par charité  
 ou autrement) aprennent de bonne  
 heure de la maistresse des arts neces-  
 sité ces ruses Italiennes & promesses  
 Toscanes de faire parler vn singe sur  
 peine de la vie, en prenant de l'argët  
 d'auance. Toutesfois encores ces pa-  
 rolles estât ambiguës & incertaines  
 ne sont que captiositez & chaussetra-  
 pes. Car il eust bië couché plus diser-  
 temēt & particulièrement ses offres  
 s'il les eust fait synceremēt, & n'eust  
 craint estre prins au mot: Parce qu'il  
 ne dit pas qu'il guarira lesdites ma-  
 ladies: Mais qu'il monstlera qu'elles  
 sont guarissables, tant par raison que  
 par effect. Et n'eust pas meslé des ma-  
 ladies aisces avec les difficiles com-  
 me grauelle avec paralyfie, & eust  
 distingué les temps & degrez desdi-

tes maladies, c'est à sçauoir commē-  
çantes, ou confermees: Premieres ou  
rencheutes en corps ieune, ou vieil: *fol. 3. lin. 3.*  
Fort, ou caduc: Et n'eust pas apres  
tout enfariné de cest eschappatoi-  
re qu'il meēt sur la fin (N'ayant que  
le mal a combatre) Car c'est vn cha-  
perō a tout oiseau pour voler à sou-  
uert, & tirer à coup perdu: Bref c'est  
vne mallette d'excuses.

Au reste il faudroit premieremēt  
conuenir du genre des maladies, de  
leurs causes, origines, & progres. En  
quoy il s'est trouué ja par deux fois  
fade, & muet, comme vn poisson  
sans sel.

D'auātage il se reserue à dire: si les  
choisira luy mesmes, ou si on les luy  
baillera: Quel lieu, quels gēs il veut  
auoir pour les garder & entretenir:  
qui seront les cōtrerolleurs de ses a-  
ctiōs, nō sās occasiōs fort suspectes:

Quel temps il demande pour en venir a bout : Et quels serōt les arbitres de la parfaite guarisō: Choses qui ne se pourroient faire sans grāds fraiz, riottes, fraudes, lōguez & quasi impossibilitez: car il y a telle maladie de celles qu'il nōme qui pourroit durer vingt ans, sans mort, ny guarison.

- 9 Mais outre toutes ces susdites raisons , l'on verra ( sauf meilleur aduis ) que cela est desia si bien es- sayé, qu'il ne sçauroit estre plus iuridiquement acheué. Et premiere- ment il est certain qu'il n'a pas guaray de la goutte Monsieur l'aduocat Robineau, car il mourut la matinee mesmes en laquelle il prist de la drogue sulphuree. Ny monsieur de la Riviere d'Artois ieune gentilhomme Breton, qui mourut en peu de temps entre ses mains. Ny vn marchand nōme Regnaut demourant à la belle tournelle.



ournelle. Ny vn peintre rue de Grenelles nōmé Marc du Val, auq̃l pour vne sciatique il donna vn flux hepaticque, avec de l'essence de genieure.

Ny d'hydropisie monsieur l'abbé d'Heriuaulx avec son sel dulcifié.

Ny d'Epilepsie vn grand seigneur de Picardie.

N'y de Phthise le thresaurier le Iars, madamoiselle de Concreffault Madamoiselle de Montmor.

Ny de paralyse madamoiselle Valctō, ny Guillemette rue de la Mortellerie.

Ny mōsieur Huaut avec des feuilles de tremble.

Ny monsieur de Boury n'agueres conseiller en Bretaigne. Duquel il s'est vanté en plaine audience de l'auoir remis.

Ny de beaucoup plus petites maladies: comme de difficulté d'amar-

riz madame de l'Isle prez d'Estampes  
auec suc d'ongnon.

Ny de lethargie madame de Glaft,  
pensant que ce fust suffocation d'a-  
marriz.

Ny de dysenterie vn tailleur nom-  
mé maistre Alain rue du four auec  
mastic dissout. Ny de la cholique  
monfieur de la Rocheposé auec vi-  
naigre distillé.

Car quant à la grauelle qui est ce-  
luy qui ne veoit que nature mes-  
mes la gette, & toutesfois il n'a pas  
guary le seigneur Garrocher de  
Iumcauville, ny il ne s'en est pas  
peu guarir luy mesme, estant lo-  
gé sur le pont saint Michel à l'en-  
seigne de l'escriptoire : Et salut  
qu'un Medecin de ceste ville auec  
l'apothiquaire Saulnier, le deliurast  
par remedes communs, clysteres,  
bains & autres. Et quant à la fièvre

*Au mois  
d'Avril  
1578.*

quarte. Comment feroit il possible qu'il la guarist par les moyens qu'il a autresfois proposé & par liure & de bouche, veu qu'ils s'ot du tout faux & controuuez à plaisir en despit de la vraye Anatomie: c'est qu'il faut picquer & ouurir vne veine, que nous auons au derriere de reins. Vne commodité y a aux medicaments de la Riuere: C'est que ceux qu'il guarist il ne les faict pas l'og temps languir. Etpour deux liars d'atimoine au lieu d'or potable, & du precipité, au lieu de quinte essence de corail, & du caphre dissout au lieu d'extrait de perles, il les precipite brusquement & leur faict rendre promptement toute leur mauuaise fressure. Quelquefois aussi il pense auoir donné la vie à ceux ausquels il ne la point ostee, à l'Antonine. Et quât ores il seroit vray (cōme il est vray parlant

fans distinctiō que leſdites maladies  
 ſont guariffables , il ne le faudroit  
 point mōſtrer par raiſon ny par effet  
 mieux que le monſtrēt tous les iours  
 Meſſieurs de la faculté en leurs diſ-  
 putes, actes , leçons, & publiques , &  
 gratuites, liures, consultations, gua-  
 riſons, ſi frequētes, heureuſes, mode-  
 ſtes, & toutesſois ordinaires: Que ie  
 puis dire en verité qu'il n'y a lieu au  
 mōde tant pour la multitude du peu-  
 ple, & frequēce d'eſtrāgers, & d'eſtrā-  
 ges maladies, qu'aussi pour le ſçauoir  
 & experiēce iudicieuſe & Methodi-  
 que des premiers Medecins du lieu,  
 & la louable façō de communiquer  
 amiablement les vns avec les autres:  
 Auquel il ſe voye plus de belles cu-  
 res , non ſeulement de ces maladies  
 qu'il allegue, deſquelles pour le grād  
 nombre, il ne ſe peut faire regiſtre,  
 mais aussi d'autres rares nouuelles,

cōioinctes avec accidens si grands & formidables, qu'il se peut dire en effet le siege d'Esculape & le subiet des miracles de Dieu. Et se trouuera tel Medecin en ceste ville, qui pour estre employé a l'hostel Dieu ne laisse pas d'estre tresdocte, & tresexpert, lequel voit & guarist plus de ces maladies là en vn mois, que la Riuiera n'en a entrepris de faire en dix huiëtmois qu'il est en ceste ville. Et y a bien d'auantage: car de tous ceux qui sont fort outrément & perilleusement malades audit hostel Dieu, il n'y a aucun qui veuille quitter son Medecin & Barbier pour se mettre entre les mains de la Riuiera, ce que lon sçait au vray par leur rapport, & tous pauvres qu'ils sont ils ne veulent point que sur leur corps il se face vn amendement de bacheliers & preuue de harquebouze. Or s'est bien donné garde le

*Aph. II.  
sectio I. du  
Demoster.*

rusé de parler de la vraye ladrerie  
(car Paracelse en cōpte enuiron xl. sor  
tes) & du Cácer vlceré, cōbié qu'il se  
soit vanté en plaine Cour, & ainsi l'a  
mis par escrit, qu'il en pourroit autāt  
faire comme son maistre Paracelse,  
auquel faulxement lon attribue d'a  
uoir guarý douze ladres. Et soit que  
ce fust par vn matin comme dit la  
chanson, & l'Epitaphe, ou à diuerses  
fois, il est aisé à voir que ce sont mē  
teries par deux raisons: l'vne qu'en  
l'Escripture saincte il ne se parle de  
ladres guaris (comme il en est parlē  
en plusieurs endroicts) que par mira  
cle, & que la cōgnoissāce dōnée aux  
prestres de ceste maladie n'estoit que  
pour la separatiō d'auec l'autre peu  
ple, non pour la guarison. L'autre  
que ou il y a vne corruption vniuer  
selle de la masse sanguinaire, & alie  
nation estrange des parties sangui

*Leuit. 13.  
v. 14.*

fiâtes, & baulme naturel comme dit *En la grãd Chirurgie.* Paracel. Il ne se peut faire reduction non plus que de la priuation en l'habitude, & de vinaigre en vin; & de plomb qui est or lepreux ou de fer en bon or, comme dit Paracelse. Et en toute la Bretaigne, en laquelle il *pag. 26 r. 1.* y a grand nombre de ceste maladie. La Riuiere n'en a pas peu guarir vn seul en cinq ans, combien que quelques vns vsans de son conseil ont esté punis pour s'aider du sang d'enfans à limitation de l'huile de sang humain de Paracelse, & ce qu'il allegue que la Medecine est vn don *f. 3. de son liure verso lin. 4.* de Dieu, donc elle guarira toutes afflictions mauuaises, est vne ombre de raison, nullement concluante. Maintenant s'il est ainsi qu'il puisse guarir vne ou plusieurs de cesdites *13.* maladies, il n'est point necessaire qu'il nous appelle a ce concert, &

prouoque à le voir. Car mesmes par  
 sa requeste il ne veut pas que nous  
 y foyons presens: Mais il deuoit de-  
 uant l'arrest aller aux faux-bourgs  
sainct Denys, au monastere sainct  
Ladre & faire là ses miracles, & don-  
 ner ordre que ceux qui seroiēt guaris  
 se vinssent monstrier en la Cour. Pa-  
 reillemēt pour sa bien-venue en ce-  
 ste ville, il deuoit aller souuēt à l'ho-  
 stel Dieu, & là se presenter à donner  
 ses remedes, si on les eust voulu ac-  
 cepter, & par mesme moyen atten-  
 dre le temps à se mettre sur le banc à  
 l'examen de l'eschole, pour y estre  
 le tresbien receu & acheuer là son  
 cours, qui est l'estamine par laquelle  
 les grands personages & de cet ēps  
 & depuis cinq cens ans en ceste ville  
 ont passé. Sinon & l'on ne l'eust vou-  
 lu receuoir, il ne deuoit pas souste-  
 nir vn procez pour cela, ny s'essayer  
 d'estre



d'estre en la Kyrielle maugré les S.<sup>q</sup>  
 & forcer les statuts du Pape & du  
 Roy. Et quand bien il auroit guarý  
 quelques vns de la plus part de ces  
 fascheux accidens qu'il compte, il ne  
 faudroit pas par là permettre indi-  
 screttement ny à luy ny aux autres  
 de faire publier son Committimus,  
 comme l'on dit. Car ne voyons nous  
 pas quelquefois des basteleurs, & gés  
 meschans, & ignorans, voire en des-  
 pit d'eux guarir des maladies fort  
 griefues: & s'en est trouué qui en vou-  
 lánt dōner du poiso, ou se mocquer de  
 quelqu'un là parfaictemēt guarý. Et  
 n'est pas à dire pourtāt que l'on doi-  
 ue lascher la bride à toute person-  
 ne de se presenter d'en faire autant.  
 Encores que s'il ne le faisoit, il en  
 deust estre pendu, comme fut celuy  
 qui depuis cinq ans fait mourir Mō-  
 sieur le Duc de Bouillon à Sedá par

antimoine: car la punition de l'un ne  
sauue pas la mort de l'autre, & est bié  
le plus seur de garder quelle n'ad-  
uienne. Au surplus iamais noz ma-  
ieurs n'ont trouué ce ciment & chef  
d'œuure de medecine raisonnable  
ny commode. Et ny a aucune vni-  
uersité ny fameuse, ny autre en Chre-  
stienté, en laquelle lon en vse de la  
forte: Et n'ya si petite ville en France  
en laquelle s'il suruient vn Medecin  
nouveau quelque splendeur qu'il  
puisse auoir d'ailleurs, quelque van-  
terie qu'il puisse faire sonner, qui soit  
receu a faire ceste espreue: Ny mes-  
mes receu aucunement, si ce n'est du  
cōsentement des premiers Medecins  
du lieu, & par honeste communica-  
tion, plustost que par ces espreues:  
car le Magistrat ne doibt point con-  
temner la santé du plus pauvre & ab-  
gect, laquelle sous vmbre d'un coup

déssay seroit en danger abon escient  
 Et de fresche memoire nous auons  
 veu maistre Charles le Goutteux  
 natif de vaux prez Meleum, auquel  
 on venoit de plus de cinquante  
 lieues, & toutesfois par arrest ré- *Du xxix.  
 Mars 1579.*  
 uoyé aux Medecins de ceste ville.  
 Item vn nommé Hureau, lequel se  
 vantoit faulxement de traiter qua-  
 tre mille malades par an, comme fait  
 cestuicy, plaidant contre les Medec-  
 ins d'Orleans renuoyé aux Medec-  
 ins du lieu par arrest. Maintenant  
 il ne faut point aller si loing: Car *En Mars  
 1578.*  
 puis qu'il promet de pouuoir mon-  
 strer par raison & par effect que tel-  
 les maladies sont guarissables, tou-  
 tesfois il ne le faict pas. Sans m'en  
 vanter autrement, tout presentemér  
 ie le monstreray. Je dy donc que  
 telles maladies qu'il a nommé, sont *f.2.l.pen.*  
 guarissables. Et si d'auanture elles de

meurent sans le pouuoir estre, cela se faict: Ou pour l'intemperance des malades: Ou pour la mauuaise disposition de quelque parties nobles: Ou pour la mignardize des patiens, qui contraignent les medecins quasi de se s'accommoder à eux: Ou pour leur incōstance qui courent aux remedes nouueaux, & ne les font pas, & abandonnent plustost les medecins, qu'ils ne sont abandonnez d'eux: Ou pour le succez de quelques autres maladies, precedentes, ou subsequētes.

Ce n'est point chose nouuelle mais belle & especieuse à dire toutes maladies & plusieurs autres estre curables. Et quelques vns de noz autheurs cōme Dioscoride, Aëce, Nicolas Myrepsique, & Matthieu de Gradi & quasi tous praticiens y donnent des remedes anciēns & nouueaux sans grāde di

stinctiō: Mais il y a bien diſſe rēce entre promettre & tenir. Les ſages Medecins, & approuuez doiuent parler plus modeſtement que les Empiriques. Et ne trouuent pas rien impoſſible comme les autres. Car celuy qui ne ſçait rien ne doute de rien: & celuy qui eſt leger: d'eſprit eſtime tout leger. Et comme l'on dit, quelquefois les petites cloches font plus de bruit que les groſſes. Il fait à conſiderer la grandeur & multiplicité des cauſes: Peſer les temps, aages, ſexes, profeſſions accouſtumances, forces, & temperaments: Proiecter ſes intentions, & indications: Auifer aux circonſtances, tenāts & aboutiſſants, & ſur tout à la fin, qui eſt la ſanté conſeruatrice de la vie.

L'hydropiſie certainement n'eſt qu'un ſymptome, & eſt facile de faire vuidier l'eau ou par embas, ou par ſe-

ction: Mais d'en oster la cause, il est  
aucunefois impossible, voire à la na-  
ture mesmes.

La paralyfie n'est difficile à gua-  
rir, principalement celle qui vient  
d'obstruction simple des nerfs, & la  
decète maniere de viure & les reme-  
des accoustumez y suffisent. Mesmes  
celle qui viét d'imbecillité de nerfs,  
ou du cerueau par succession de tēps  
est guarissable. D'autre part celle  
qui se fait par l'entiere resolutiō des  
nerfs, & desnaturement du cerueau,  
qui est le magazin du mouuemēt &  
du sens, est incurable. Pareillement  
celle qui vient aux playes de la teste,  
& est accompagnée de profondeur  
& grāde effusiō de sang, ou conuul-  
siō en l'autre partie n'admet point  
de guarison, quelqu'antimoine ou  
or potable que l'on puisse vser.

*Eph. Hip.  
l. 7. Ap. 9.* Quant à l'Epilepsie Hyppocrate

mesmes la tient curable par mutation d'aage, principalement celle qui vient d'une pituite grossiere contenue éz ventricules du cerueau. Aussi celle qui viét par malignité de quelque partie inferieure, ou d'une vapeur veneneuse, ou du sens si exquis de la bouche de l'estomac, est guarissable. Au regard de celle qui viét d'une imbecillité de cerueau, auquel ja l'impression est attachee & formee, mesmement s'il y a quelque disposition hereditelle, est fort difficile à guarir non pas toutesfois impossible deuant vingt cinq ans, comme Galië le monstre doctement. Pour le regard de la fieure quarte, qui est ce qui veut nier quelle ne soit guarissable, & que nous n'en guarissions la plus part: Mesmes quelle aporte des commoditez au corps estant bien traittee, car elle nous deliure de plusieurs autres

*Sur le 6. l.  
des Apho.  
d'Hipp.  
Aph. 28.*

grandes maladies. Mais nous la manions doucement, craignants quelle se tourne en continue ou double quarte. Et la faut traiter comme chancres, principalement quand elle vient d'une humeur aduste, & qu'il y a en la ratte une disposition chancreuse, comme dit tresbien le docteur Syluius. Et non pourtant il ne la faut guarir avec des yeux d'escreuifse comme font quelques Alchimistes, encores qu'ils semblent tresfamiliers & amis de nostre nature & semblables a la matiere causante, n'y la faut aussi traiter rudement, comme l'on a fait le chancre de Madame Couppé.

Quant à la phtise ferine d'un ulcere de poulmon, n'y l'autre espee de marasme & eslancement qui vient de vieillesse, & pareille habitude haue contractee de longue main,



main, elle se guarist fort difficilement: Mais les autres façons sont guarissables, non toutesfois par eau de canelle, ny soulfhre dulcifié, ny eau de rosmarin seule, dont la Riuere vse sans discretion. Ains par moyes ordinaires & communs. Touchant la goutte, qui ne distingue ne dit rié: Car la douleur se peu mitiger par diuers moyens, desquels les plus vulgaires sont quelquefois les meilleurs: non pourtant que l'imbecillité ia conceue dans les ligaments, tendons & nerfs de l'article, avec vn groz phlegme vitreux & visqueux se puisse rehabiliter & viuifier, à faute de chaleur naturelle, qui en est loing & petite, qui est celle qui faict iouer tous les mouuements du corps, si ce n'est auant quelle aye pris vne habitude incorrigible, au cōmencement d'icelle, & ne guarit pas celuy qui a-

*Bains, liés  
d'asnesse  
& changement  
d'air.*

doulciſt vn peu les accidēts, ou leur  
 donne quelque trefue legere: Ou qui  
 a faiēt sortir du liēt feu Monsieur de  
 Rohan apres auoir eſtē bien roſty,  
 & là fait aſſeoir à table, & porter à  
 quatre emmy la Cour: car la cauſe  
 eſtant interieure elle repigeonne de  
 plus fort. Et ſi l'on veut repercuter &  
 retenir la fluxion puiſſamment, il  
 ſuruient vne fièvre, qui emporte le  
 patient deſia tout allangoury. Et ne  
 penſe point que pour la precaution  
 de ceſte maladie les pillules Marga-  
 rites de Paracelſe y ſoiēt meilleures  
 compoſees de viſ-argent d'antimoine  
 d'or & d'acier & d'ābre, à prēdre  
 deux fois le iour par huit iours en-  
 tiers, que vn peu de caſſe tous les  
 mois avec bon regime. Dōcques il ne  
 faut point vſer de ces apaz de pro-  
 meſſe de pouuoir guarir quelcu-  
 ne ou toutes ces maladies ſuſnom-

mecs, n'y du deffy & arrogate semō-  
ce d'appeller ses superieurs, pour le  
monstrer, & le veoir faire, & par ce  
moyē entreprēdre sureux. Parce que  
fil ne tiēt qu'à secrets de remedes &  
parfaites guarisons, nos liures, & les  
crocqz des apothicquaires en sont  
pleins. Et ne sçauroit on proposer fa-  
çō aucune de guarir, tant ordinaire,  
qu'extraordinaire, que les Medecins  
methodiques n'ētendēt trop mieux,  
& ne sachent les forces & le moyen  
& dexterité d'en vser, & ne puissent  
marquer les lieux des autheurs des-  
quels on les aura pris, ou la source  
de laquelle on les a tirez, & pour-  
quoy ils sōt quelq̄fois efficaces, quel-  
quefois ils ne le sōt pas. Et ne faut pas  
trouuer mauuais si nous n'en vsons  
toufiours: Car nous ne faisons pas  
noz experiences au dommage d'au-  
truy, & debuons estre hardis avec

raison & craintifs sans mesprison.

Et pour detester cette procacité & coutumace indigne d'un Medecin & Philosophe de s'oser tant de fois représenter & subir le hazard d'estre *pro tertio* mocqué & condamné, encores qu'il se deffie de luy mesme & de ses forces, ie n'allegueray autre cōparaison ny sentence que celle de Galien pour mesme cause. Comme il aduiét dit il aux ioustes où les personnes sont inégales si un bon luitteur a terrassé son ennemy & mis le pied sur la gorge, celuy qui est terrassé & vaincu pense auoir encores quelque peu de victoire sur l'autre, s'il le peut picquer ou esgratigner en quelque partie, encores que telle picqueure ou morsure ne rende la victoire moindre: ainsi certainemēt ceste animosité de vengeance, que la Riuiere dit ordinairement & mon-

stre auoir, que si nous luy faisons du mal, il nous en fera aussi, n'est point louable ny Chrestienne: car nous ne luy faisons point la guerre, comme il dit, en nostre nom priué ny pour nostre particulier interest: mais parce que il est scandaleux, dogmatizant, iniurieux le premier contre nous: Ayant commencé a escrire liures pleins de contumelies & renuersants les Principes de Philosophie & Medecine, & sous l'ymbre de quelque nouueau ramage que l'on peut nommer Ragotisme, ou quelques mots affectez & affectez, & quelque rhapsodie de secrets quasi impossibles d'estre tirez, & faisant aussi tost mal que bien, & de quelques sentences cornues extraictes de l'Alcoran de Paracelse, ou plus tost du grimoire des enchâteurs, il pense confondre toute doctrine, & obs-

curcir la Methode & donner la bar-  
 luë à vn chacun, vſant de quelques  
 vns auſſi mal aduiſez cōme luy pour  
 limer & enrichir ſes fatras, c'eſt vne  
 des ruines de la ſanté publique. La  
 modeſtie veritablemēt accompagne  
 ſouuēt la vertu & lettres, & vœoit on  
 peu d'hommes modeſtes qui n'ayēt  
 quelque autre vertu ſignalee. Au cō-  
 traire l'ignorance rend l'homme au-  
 dacieux, entrāt, temeraire, entrepre-  
 neur. Et tant plus vn homme eſt ſca-  
 uant, ordinairement il craint ſubir  
 le iugement d'autrui, ſe dēfiant de  
 ſes forces, ou plus toſt vſāt de ſa mo-  
 deſtie, laquelle le ſemond de ne rien  
 entreprendre au hazard de ſon hon-  
 neur, & bonne reputation, ce qui ne  
 doit pas eſtre attribué à couardize:  
 D'autre part l'ignorant par vne faul-  
 ſe preſumption ſe perſuade que par  
 ſubtilité & ſubterfuges, il ſurmonte-

*Un Day  
 Impetite*

ra tous les plus habiles hommes du monde. Tels hommes sont pleins de cautelles, fraudes, surprises, & autres semblables instruments de malice, & ressemblent à ceux qui n'ont rien à perdre, & toutesfois iouent contre chacun, s'ils gagnent ils sont heureux, s'ils perdent ils ne perdent rien. Et ont desia tant de fois esté ruinez, que leur ressource est en leur ruine, & estoient miserables n'estoit leur grand misere. Tant la coustume de venir souuent pour diuers crimes deuant les iuges, & sçauoir ses eschapatoires les rend asseurez cōtre toute Iustice. Quelle hardiesse dōnera cela à tous les esprits criminels de la France & ayants des braues saillies, & inclinations à pippierie, de sçauoir par tout qu'un homme chassé de son pais, & tous autres lieux ou il a mis le pied, qui a mangé du pain du Royen tāt de vil-

*f.29.vers  
lin.vlt.*

les, tout frez & grouillant d'accua-  
tiōs, nō seulemēt se qualifie en ceste  
Cour Cité & Vniuersité pour vn Re-  
pertoire de santé, mais aussi se vēdi-  
te pour tel deuāt vous Messieurs qui  
reprefētez la iustice diuine. Cōside-  
rez s'il vous plaist de quelles person-  
nes il est suiui, peu de gēs de biē, ieu-  
nes, amateurs de nouueautez, mar-  
chās de iaune espicerie melācholi-  
ques, souffleurs d'Alchymie, gēs qui  
attēdent la reception d'vn tel Galie  
restituē pour pagirier à toute reste,  
& tailler de la besongne à Messieurs  
des mōnoyes, & tout sous le mâteau  
de Medecine, & autorité de la  
Cour. Voyez desia voz enfans ou-  
rir large l'oreille à telle philoso-  
phastrie, excitement de toute auari-  
ce, ne suiuañs que les nuces & vm-  
bres de la vraye richesse & plaisir,  
mettans vn desdain des langues &  
scien-



sciences & Tataliquesconfusions en  
 leur cerueau , pour courir apres le  
 Pátagrueisme de l'impie Paracelse:  
 chose deplorable & indigne d'estre  
 introduite en ce siecle calamiteux au  
 quel à grand peine respirons nous,  
 & que l'on sçait que les nouveautez  
 font porter la bezasse à la moitié du  
 pauvre peuple.

*Replique à la responce de la Rini-*

*re contre vn factum présenté à*

*Messieurs de la Cour.*

*Le 6. May 1579.*

**L** dit, Que celuy qui en est l'au- f. 25. lin. 9.  
 theur, est vn iniurieux & cou-  
 art , sans dire autre raison : Et croy  
 qu'il veuille entendre , pource qu'en  
 quelqu'endroit, il l'appelle ignorât:  
 Il me semble que ce n'est point iniu-

re de l'appeller tel, veu que c'est vn  
 terme lequel contient simplement  
 le principal point dont est questiō.  
 Et puis biē dire sās iniure, qu'il n'en-  
 tend pas les autres mots latins, & par  
 tant les estime iniurieux. Quant aux  
 autres mots fascheux, comme accu-  
 sé de meurtre, & d'empoisonnement  
 & de faulſe mōnoye, ce ne sōt pas in-  
 iures, mais veritez, non tāt outrageu-  
 ses que ce sont accusatiōs publiques,  
 pendantes en la Cour & ailleurs: &  
 telles, que i'estime qu'il voudroit  
 auoir rendu tout le bien qu'il a tiré  
 de Monsieur de Rohan, voire estre  
 banny de Paris, & s'en voir dutout  
 absous, comme faulſement il main-  
 tient estre: parce qu'il a fait mourir  
 par iustice quelques seruiteurs de ce-  
 ste maison, lesquels esmeuzd'une vē-  
 geance mal reiglee, s'estoyent mis en  
 deuoir de le tuer. Je ne l'y feray poīt

f.2 lin. 18.

maintenât de tort ny iniure si ie luy  
 maintiẽ, que pourcela il n'est pas iu-  
 stifiẽ, ny parcillemẽt de la faulſe mō-  
 noye. Ce que Mōſieur Perrot rappor-  
 teur & les ſubſtitus de Meſſieurs les  
 gẽs du Roy, les Greffiers & huiſſiers  
 ſçauent bien. Et qu'il ſe trouuera au  
 cinq & ſixiẽme regiſtre, du bailliage  
 d'Eurẽux, cōme il eſt chargẽ par vn  
 preſtre, nommẽ Manfroy, lequel  
 fut cōuaincu de la faulſe monnoye,  
 il y a plus de x. ans : & ne faut point  
 dire que vne hiſtoire nue & dedu-  
 ction d'vn fait, duquel plus de gens  
 de bien que luy ont eſtẽ preuenuz,  
 ſoit iniurieufe: Car les parolles n'en  
 ſont point atroces & les mots ny in-  
 tention, n'en ſont point hors de pro-  
 pos. Pource qu'il eſt mal ſeant, qu'vn  
 homme preuenue de tant de flagices  
 n'en eſtant pas encores purgẽ, ſinge-  
 re de purger la ville, de maladies, &

le corps des personnes de mauuaises humeurs, ne demandant qu'a purger les bourses d'argent, pour purger apres le pays de sa presence.

*f. 4. lin. 23.*

Mais d'appeller vne compagnie de gens de lettres & d'honneur, sacrilege, comme a fait son poëte: celle la est bien vne iniure dite hors de propos, raisõ & verité: car ce n'est pas ce quoy il s'agist: & ne se trouuera iamaïs en bon dictionnaire ny auteur sententieux qu'une compagnie de cent personnes, encores qu'ils se disent Docteurs, doiue estre appelée sacrilege pour oser entreprendre de parler d'un abus qu'ils ne peuuent comprendre.

Au reste, le traitté Latin n'est pas tât fait contre la Riuere, que contre Paracelse, les œuures duquel il ne montre pas bien auoir leu, & n'y respond pas vn seul point, princi-

palement aux impietez. Et quant à ce mot de couard, il n'est pas raisonnable de le donner à celuy, qui n'a pas mis son nom en vn Factum; Et celuy qui dresse des memoires, ne se peut dire vray authcur d'un traitté: Ny celuy qui parle au nom d'une cōpagnie, ne se doit point attribuer le nō & toute l'autorité d'icelle.

En premier lieu, il se plaint que ie l'ay appellé Empirique: Certainement ie ne l'ay point ainsi nommé, Et me semble qu'il ne merite vn si beau nom. Et ne se trouuera pas digne de l'ancienne secte des Empiriques, lesquels auoient leurs reigles, cognoissances, telles quelles & obseruations limitees, & ne nyoient pas les quatre Elements, ny les quatre humeurs, cōme appert par les liures de leur grand aduersaire Galien. Nulle desquelles parties la Riuiera

*feuillet 25.  
verso l. 12.*

*De optima  
secta.  
De sectis.  
De subfigu-  
rat. Empir.  
Troisiesme  
Meth.*

monstre auoir, ny par ses respôces  
aux Examens, ny par son Demoste-  
rion, ny par ce dernier broüillon,  
ny par les malheureuses cures ordi-  
naires. Et toutesfois il s'efforce mō-  
strer, que l'experience est plus que  
la raison. Premièrement en ce qu'il  
dict qu'Hippocrate en son liure des  
prenotiōs, ou precognitions, fucil.j.  
veut que la pratique de Medecine  
precede la theorique. Or ie trouue  
que cela est totallemēt faux, ny que  
iamais il aye dit tels propos en tel  
lieu: Et n'est pas la premiere faulſe  
allegatiō, comme faulſe ſuppoſition  
d'or, que luy ou ſes ſuppoſts ont mis  
en ce liure, comme il ſera cotté en  
ſon lieu. Et ne peut on trouuer au li-  
ure De precognitione ad Poſthumũ  
de Galien: ny au liure ny commen-  
taire De Humoribus, ce qu'il attri-  
buë à Hippocrate. Bien eſt vray que

Paracelse le dict, Dont ie l'en estime  
 plus faux. Et quant à ce qu'Aristote  
 assure que l'experience à fait l'art,  
 Il l'entend quelle precede, com-  
 me l'imparfait precede le parfait.  
 Quant à Cornelius Celsus, il semble  
 balancer pour l'experience. Mais qui  
 voudra regarder de pres, il trouue-  
 ra, que Dieu le Createur, ayant ame-  
 né toutes choses à Adam, pour leur  
 imposer les noms, il luy en enseigna  
 par mesme moyen, la force: Et don-  
 na à cognoistre les plus grands se-  
 crets, qui fussent en chascue scien-  
 ce, comme tiennent les Theologiés.  
 Et ainsi les sciences sont venuës de  
 Dieu & d'Adam, de main en main,  
 iusqu'au temps de Iacob & Ioseph,  
 lors qu'il est fait mention en l'escri-  
 ture de Medecins exerçans iusques  
 à ce temps. Et toutesfois la doctrine  
 Paracelsique n'estoit point encores

*Chap. 5. du  
 liure de  
 gradibus.  
 Au 1. de  
 la Methap.*

*Liure 1.*

*Genese 50.*

en estre. Et parce qu'elle prend diuers fondemens de la nostre, il faut, ou que celle-cy moderne, ou que la nostre ancienne, ne soit pas la bõne ny vraye. Et ne suffit de dire qu'Adã & les premiers peres ont vescu si lõg temps, par le moyen d'Alchymie, & de l'or potable : Et que celle inuention de la faire a esté perdue au deluge. Car nous ne trouuons point que les vrayes sciences & necessaires pour la vie donnees de Dieu, ayent esté changees ny perdues. Aufsi que Paracelse s'en diët le premier inuenteur. Et quelquefois il dit qu'il à appriz plusieurs beaux secrets du Diable. Or, si la preuue & verification à nostre esgard, de ceste science, qui est vn don de Dieu, a esté descouuerte par quelque occasion, que les Payens appellent fortune: Ou si les vertus & proprietiez de quelques remedes

*De tinctu.  
Phisicor.*



medes ne se connoissent, que par effets, sans ayde d'aucuns discours trāsports, imitatiōs, ou qualitez cōiecturales & inductiues: il ne faut pas cōclure de là qu'ils facent vn art, ou qu'ils constituēt vne theorique. Car estāt en petit nōbre, ils ne scauroient fonder regles, qui sont les iambes & arcz-boutās de toute sciēce: laquelle chemine tousiours par le cōmun, general & vniuersel. Mais pour tout accorder & accōmoder: la raison se peut dire l'ame du corps de l'experiece: & cōme elles s'égēdrel'vne l'autre aussi se seruēt elles de cōtrerolles & garēds, & ne sont pas grād cas l'vne sans l'autre, & vnies ensemble s'entredōnēt lustre & perfection. Tellemēt que quelque vns les ont accomparees à deux doigts de la main, ou deux iābes d'vn corps, ou bien vn miroir à double visage, auquel y a grā-

de similitude, mais quelque difference  
 aussi. Quāt à moy ie ne trouue point  
 plus vray terme ny comparaïson  
 quede les appeller sœurs, pourueu q  
 la raison & d'antiquité & de dignité  
 comme immortelle & venant imme  
 diatement de Dieu, soit l'aîsnee, &  
 rienne le haut bout, non seulement  
 en l'inuention, mais bien encores  
 plus en la constitution & singuliere  
 ment en la maniere d'enseigner la  
 dite medecine. Car puis que tout pre  
 cepté est general, l'establissement d'i  
 celuy en appartient au discours: &  
 la verité & certification, qui s'exerce  
 sur la particulier, en appartient, tant  
 à la raison qu'a l'experience. Et s'il  
 faloit faire parangon de l'un sans  
 l'autre (combien qu'ils ne se puissent  
 ainsi seuls trouuer ny retenir la di  
 gnité de leur nom) aymeroy mieux  
vsfer de raison seule sans experience

qui s'appelle indication non parfait  
te qu'apporter l'experience nue &  
simple sans raison. Car le subiet &  
 succcz de l'experience est fort fautif  
 douteux, & trompeur: Mais le iuge-  
 ment de raison qui est l'ordre des  
 causes est fort difficile, toutes fois  
 plus asscuré. Et au rapport & confe-  
 rence de toutes autres doctrines, &  
 sciences qui ont l'une & l'autre par-  
 tie: la theorique, cest à dire contem-  
 plation & explicatiō de ce qu'il faut  
faire, ou bien la cognoissance de ce  
qui peut seruir & nuire, doit mar-  
cher, cest à dire mettre les mains à  
 la besongne auant la pratique, &  
 luy doit seruir de guide & de lanter-  
 ne. Et si quelquefois l'on ne peut  
 trouuer la vraye cause & remede par  
 bon discours, alors par voisinage &  
 translation d'un mal à l'autre, que  
 l'on appelle analogisme, & est espee

*Aphorif-  
me 5. du 1.  
liure.*

de raison l'on trouue quelque cas qui en approche, duquel la raison fait le choix.

feuillet 26  
lig. 2.

Quant au second point de la response, auquel il semble reccriminer de ce que ie confesse auoir appris & tiré, des erreurs & absurditez Parastul-  
tiques, mesmes qui sentent leur Negromance & magie (qui est vne forme d'impieté & superstition) deduites par Erasme, qui est encores viuant lecteur public à Ildeberg, & a escrit fort amplement & diligemment contre les liures Allemans, & qui ne sont point traduits en Latin de Paracelse: Et luy reproche la Riu-  
iere qu'il est ennemy de la discipline Ecclesiastique. Quât à moy ie ne doute point qu'il ne viue plus politiquement à Ildeberg selõ les loix de sõ pais, que ne faict la Riuiercen Frâce selon les nôtres, cõme le tesmoigne

la cōdēnatiō de cent liures aux pau-  
 ures par forme d'amende contre luy  
 pour auoir mangē en quaresme d'un  
 pastē de veau qu'il disoit estre à la  
 chardonnerette en la conciergerie  
 du palais. Qui est bien contraire à ce  
 que son Aduocat a dit que l'on pen-  
 soit que ce fust le prestre de Normā,  
 die & Falaize. Et quant il ne seroit  
 ainsi, qu'Erasme ne vescu politique-  
 ment ou catholiquement: la celebri-  
 té de son nom & suffizance de son  
 art de Medecine le peuuent excuser  
 d'auoir loyaument & hardiement  
 cōbatu vne si dangereuse secte: Aus-  
 si qu'il ne se voit point d'occasion,  
 pour laquelle il eust esté esmeu de  
 faire croire, que Paracelse auroit es-  
 crit vne chose, dont il n'en seroit riē.  
 Et pour le resgard de ce qu'il alle-  
 gue, qu'Erasme proteste à la fin de ces  
 Tomes, qu'ores que Paracelse dit ve-

*Au com-  
 mencement  
 du Quares-  
 me 1578.*

rité , si ne le voudroit il point croire, ie ne l'y ay point leu : Mais bien, *Not.* Qu'il aymeroit mieux estre tué de Dieu que guarý du Diable , lequel bien qu'il semble dire verité, si ne le faut il pas croire. Sentence coniointe avec toute pieté & verité.

*feuillet 26.  
lig. 15.*

Pour venir au faux fondement & principe d'heresie en prattique, qui est , que les maladies sont guaries par leur semblable , il me respond, qu'Hippocrate l'a ainsi laissé par escrit. Et certainement il y en a vn passage vnique & particulier de quelques maladies seulement, auquel endroit il parle de la similitude des lieux , & façons de purgations, comme que le vomissemēt est quelque fois guarý par vomissement , & le flux de ventre par flux de ventre, & vne lassitude par autre lassitude: Et semble qu'Hippocrate en ce lieu

*Au liure  
De locis in  
homine.*

face les obiections que cestuy cy  
 pourroit faire, & y veuillé respon-  
 dre, en remonstrant, que bien sou-  
 uent deux causes contraires font vn  
 mesme effect, & vne mesme cause  
 face deux contraires effects: comme  
 par exemple, Vne mesme cause, qui  
 pourra estre vne potion vretique  
 faict pour quelque temps, puis ap-  
 paise la difficulté & degouttemēt de  
 l'vrine, & ainsi de la toux, en vne per-  
 sonne, qui en aye ia quelque com-  
 mencement & disposition: com-  
 bien que deux lignes au parauant  
 il eust prononcé vniuersellement  
 que toutes maladies sont guaries  
 par leurs contraires, sans rien ex-  
 cepter. Et celle la est la grande voye  
 & chemin royal frayé & ordinai-  
 re de toute guarison, & se peut  
 dire le puiot de la prattique: Com-  
 bien qu'il y aye vne autre facon

qui se vient rédre a celle la en quelques vnes & en petit nombre seulement & quasi en subside & surcrest qu'ils appellent secóde intention & par accidét, c'est à dire par interuétion d'un autre effect. Parce que le bon Medecin cognoissant que c'est vn phlegme sallé qui estouppe le cōduit de la vessie & empesche l'vrine donnant peine ausdits lieux, il s'effaira de la faire vider par le mesme lieu & par racines & drogues, qui font vriner dauantage: En quoy faisant il ramassera en nettoyant toute l'autre pituite qui croupist alentour, & entretiét celle qui est au passage. Dont pour quelques iours il y pourra suruenir encores plus grand difficulté d'vrine & douleur, mais vn peu apres le patient en demourra du tout deliure. Ainsi du vomissement, ainsi peut on dire du flux de ventre:

lesquels



lesquels se peuuent guarir en ostant  
 & rechassât par le mesme endroit sil  
 est le plus commode selô nature ou  
 par occasion ce qui abreue& nour-  
 rist ledit flux & vomissement: Non  
 pas en accroissant la cause, laquelle  
 il faut tousiours cōbattre par son cō-  
 traire, mais en augmentant l'acci-  
 dent pour quelque temps, sans autre  
 plus grand inconuenient, regardant  
 tousiours à la seureté de la guarison,  
 & non pas à tromper le malade, &  
 luy adoucir seulement son mal: qui  
 estoit vne des grandes ruses de Para-  
 celse, vsant de narcotiques, & endor-  
 missants le mal & la personne, com-  
 me tesmoigne vn auteur celebre,  
 son voisin, & qui a fleury de mesme  
 temps, Conrad Gesner de Suric.

Mais la Riuiere n'entend ny les di-  
 stinctions, & moyens d'vser des me-  
 decins, lesquelles toutesfois sont cō-

*En la Bi-  
 bliothèque  
 vniuers.  
 sous le nō  
 de Thea-  
 phrasie.*

munés aux plus petits bacheliers, ny les ruses de Paracelse, pour n'auoir estudié les liures ny des vns ny de l'autre, & n'auoir communiqué ny avec les habilles hommes, ny d'une science, ny de l'autre secte: ains auoir passé sa ieunesse avec des enfans, des orfebures, des prisonniers, & des gētilshommes aux champs, & mesmes estant amené en ceste ville il n'a voulu communiquer, ny consulter, ny avec autre Medecin, ny Empirique: Et le plus grand secret qu'il aye, est de permettre & promettre tout à tort ou à droit, & parler peu, & adoucir sa voix, & l'accommoder à ceux qui le payent, & d'vser sans discretion d'aucune circonstance ce qu'il trouue en ses memoires ramassez de diuers billets, lesquels ils vend plus cher qu'ils ne luy ont cousté. Partant tout ce qui est

cotté icy sert de bié peu, & n'é pour-  
 ra pas faire quelque proffict celuy  
 qui à l'ame maligne, & l'esprit antici-  
 pé de faulse presuppotion q̄ la plus  
 bell'art de Medecine est d'abuser le  
 mōde ignorāt ce qu'il appelle Apho-  
 risme & q̄ ceux qui en sçauēt le mois  
 enguarissent le plus. Puisdōc que ce  
 n'est icy le lieu de profōder en cuue  
 ce perrō de prattique, du cōtraire &  
 du semblable, ie ne proposeray plus  
 qu'un exemple de Mareschaux. Ain-  
 si que l'eau froide est ditte sembla-  
 ble à l'humeur froid qui fait vne ten-  
 sion de partie, qui engarde le mēbre  
 de ployer, si est-ce qu'en contrai-  
 gnant la chaleur, & la reduisant au  
 dedās, elle la rēd plus forte & gaillar-  
 de, & partant elle resoult & rechasse  
 ladite humeur froide. Mais cela ne  
 se doit pas appeller guarison par sē-  
 blable ains plustost par cōtraire: veu

*fol. 19. ver.  
 fol. lin. 16.*

que la chaleur qui est le prochain agent est contraire à froideur, bref toute maladie dureroit si elle n'estoit chassée, ou vaincue, ou reprimée, ce qui ne se peut faire que par voye d'hostilité: & non seulement attraction par similitude de substance, ou autrement, mais aussi toute action simple & mutatiō est cōprise sous les loix de contrariété. Et ne prenons pas icy les contraires comme les logiciens, car les doigts de la main, & le dur & le mol, le grand & petit, le peu & beaucoup, le haut & bas, le plain & vuide, l'entier & corrompu, le continu & diuisé, le rond & quarré, en effect toutes les autres & diuerfes façons, combien qu'elles ne se destruisent pas l'une l'autre, sont contraires l'une a l'autre, c'est à sçauoir prenant à la grand manche. Et si de quatre mille malades qu'il se

vâte auoir veu, il en a guarý quelques vns, cà esté par hazard, dont il luy faut pardonner : car estimant auoir donné remedes semblables, il les à doné contraires, & si quelqu'un veut entendre qu'au moins ces remedes la estoient semblables aux maladies à cause d'une mesme matiere premiere, le luy confesseray facilement, cōbien que ie luy pourroy nyer : Car les maladies sont qualitez lesquelles agissent & la matiere premiere n'agit point que par le moyé d'elles qui ont tousiours la pointe de leur espee dréssée vers leurs ennemys. Mais ne faut point icy alleguer ny Prodicus ny Asclepiades : car c'est vn vray tour d'Alemant, & digne de Paracelse, lesquels se parfument & secouent des vespres du soir, par le mesme encésoir du matin, en prenāt comme ils disent du poil de la beste.

*Au 6. des  
Epidem.  
Cornel.  
Cels.*

Or pour tout cela Nous ne voulons pas nyer les proprietéz occultes , ny vertus spécifiques , & formes celestes que d'aucuns appellent similitudes substantifiques (cōme elles se voyent en peu, qui n'ayēt leur qualitez manifestes qui leur seruent d'armes au moyen desquelles elles combattent. ) Et par maniere d'exemple prenons le scorpion, & la vipere, & posons le cas qu'elles entieres escrasees sur le lieu, ou l'huile tiree d'elles guarissent la picqueure ou morsure, quelles auroyent faites, mais ce n'est pas similitude simple ; ains similitude de substance. Encores en ce qu'elles attirēt ou rachassēt, quoy que soit ruinēt & destruisēt le venin, elles besōgnent en aduersaires, cōme tous antidotes sont contraires aux poisons, & ne laissent pas toutesfois d'auoir

quelque alliance & rapport avec eux. En somme si la preservation des maladies, & conseruation des forces, & choses naturelles, & temperees se fait par choses semblables à elles, & à la nature, comme nous confessons tous, ie conclu de là que les choses contre nature se doiuent oster par leur formel contraire & repugnant. Et ainsi la proposition d'Hippocrate & Galien est vniuersellement, & sans distinction vraye.

*Gal. lib. 11.  
de la Mat.  
chap. 13. Et  
sur les Epi-  
dem. & au  
5. des sim-  
ples.*

Mais il faut venir à ce dæmō d'Antimoine, & scauoir si les metaux sōt venins dans nostre corps; ce a quoy il s'essaye de satisffaire, mais en vain. Car ie n'ay pas dit qu'ils le fussent tous, ny mesmes l'antimoine: ains seulement quelques vns accoustrez & passez par certaine graduation de feu: comme certainemēt il ne scau-

*f. 26. verso  
l. 1. de son  
liure.*

roit nyer que le vif-argent sublimé ne le soit, combien que quelques vns en ont priz, & n'en sont pas morts: l'orpimét rouge aussi espee de realgar, est estimé tel, combié que Dioscoride en aye ordonné à ceux qui

*chap. 22.  
du 5. liure.*

crachét boue, que lō nōme empyriques. En quoy ie ne voudroy le suy-

ure, & ne faut pas pratiquer sās iugement tout ce que dit Dioscoride, car

*Liure 6.  
chap. 29.*

il estoit meilleur Simpliste que Medecin. Mais depuis au liure suyuant il le met entre les venins, cōme aussi fait il la chaux, l'orpiment, l'argent-vif, la cerusse, le plastre, l'arsenic, le boraz: & toutesfois il ne laissent pas d'entrer en quelques compositions.

*Liur. 5.  
chap. 10 4.*

Aussi que l'argument n'est pas bon.

*f. 26. vers.  
l. 10. & se  
quentibus.*

L'on a mis autresfois des doubleducatz aux restaurants, & des feuilles d'or aux pillules & condits cordiaux. Doncques elles seruent: car elles



ny seruent nō plus que seruoit l'Antimoine à teindre l'Elateriō du tēps de Dioscoride. Enquoy l'on cognoistra la faulſe allegation qu'il fait, car ce n'est pas au 136. chap. du 4. liure, mais au 155. qu'il mesle de l'antimoine à ceste drogue. Non pas en dose comme il controuue, ny pour augmenter sa force purgatiue, comme il songe. Mais pour luy donner couleur, ou en noir, ou en blanc, ou en iaune, car il s'ē fait de ces trois teintures là, comme tresbien le monstre Guinterius, & deschiffre le compa-  
p. 662. diu  
commēt. 2.  
 gnō, comme boutefeue de maladies, pluſtoſt que feu de metaux, se moquant dextremement des louanges qu'ō luy attribue. Et si Valeſcus de Tarā-  
f. 26. l. 12.  
& ſuināte  
 te, & Petrus Bayns, & les Pandectes de l'authorité de Serapion, & non pas de Galien, en donnent à l'Epilepsie, ce n'est que pour vomir, & est

corrigé du Castor, & ne les vouldroy  
 fuiure en cela. Et ne voy point qu'il  
 aye commodité, ou propriété plus  
 grande que devomitoire, sinon qu'il  
 ne couste gueres, & ne laisse point de  
 mauuais goust, nō plus que du verre  
 & à bien tost monstre sa malice &  
 perturbation, en renuerfant l'esto-  
 mac comme vne bottine: & que les  
 maladies pour lesquelles l'on le dō-  
 ne ne reuiennent plus, car elles ne  
 s'en vont point du tout. Et en a fait  
 à plusieurs rendre l'ame par en bas,  
 avec le tartare de Paracelse plu-  
 tost que celuy de Platon: & que nul-  
 le intemperature simple, ny vice  
 aucun de partie, voire conioint  
 avec matiere, n'est ou guary, ou gua-  
 ranty par luy seul: & perce aucune-  
 fois l'estomac, voire coupe les boy-  
 aux, comme à la fille de Monsieur  
 de Rohan, & combien que tous n'en

meurent pas si soudain , & apparemment: si n'en vis- ie iamaïs aucun qui n'asseuraſt de n'ẽ prendre plus par la bouche en verre , pour les pitteux & effroyables accidents qu'il apporte. Mais ſoit que l'on meure, ou que l'on l'anguiffe, ou que l'on guariffe, il y a des façons de mort & de vie plus doulces. Et n'auõs point faute d'autres vomitoires plus benignes, & n'ignorons pas les autres façons de le preparer, ny qu'il peut entrer en clyſtere plus ſeurement. Mais il ne ſ'enſuit pas ſ'il purge l'or, qu'il purge noſtre corps, nõ plus que noz autres purgatifſ purgent l'or: car il ny a point de cõmunication avec l'or & noſtre corps , moins qu'avec les carpions du lac de Garde, qui ne le peuuent digerer.

Touchant ce qu'il allegue en cin-<sup>f.27.l.3.</sup> quiẽme lieu pour mõſtrer la neceſſi-

té d'Alchymie en nostre art, de dire,  
 que Galien y estoit tresdocte: il ny  
 eut iamais Hortmanus Medecin,  
 qui escriuiſt cela: Mais vn moine  
 nommé Hermanus de l'ordre de S.  
 Augustin, qui a vescu du temps de  
 Raimond Lalle, & pensoit que toute  
 la philosophie consistast en Alchy-  
 mie qui alors florissoit, & ny faut nō  
 plus croire qu'à la Riuiere, quand il  
 parle d'Astrologie. Et Maistre Sym-  
 phorian Champier monstre bien  
 qu'il auoit mieus les bouquins, que  
 les bons autheurs, ny son Maistre:  
 lequel a couſtume de ſ'extoller en  
 ſes labeurs, & eſtudes, & ne l'eust ia-  
 mais celé, meſmes ez endrois eſquels  
 il parle ſi doctement & proprement  
 deſdits metaux: ou bien il faut con-  
 clure qu'il aye eu hôte que l'on l'aye  
 ſceu, & qu'il n'y a iamais rien trou-  
 ué de bon, parce qu'il ne fait mentiō

*L'an 1340*

*Au 9. des  
simples.*

en aucun liure des remedes tirez par ouurage de feu, ou preparation plus artificielle, que celle d'õt nous vsons.

Et nonobstant furent si impudens ou fort modestes, d'auoir d'õné leurs labeurs à autruy d'aucuns Alchymistes de ce temps là, qu'ils ont attribué ridiculement des liures de leur art audit Galien, à Aristote, à Pline, à *f. 17. verso* Dioscoride, au Roy Alexandre, & *l. 12. & f.* autres, qui n'y penserent iamais: Car il est tout certain que le style & dits de ces auteurs est tout contre-fait, desquisé & supposé, ce que ie ne puis attribuer à bon zeile, & la supposition entre eux est vn peché veniel.

Comme maintenant ledit la Riuie- *f. 27. l. 16. & sequen-*  
re allegue quatre passages de Dios- *tibus.*  
coride touchant la rouilleure, verd  
de griz & rouille de fer, & fleur d'airain, tous faux: D'õt ie prie le lecteur de les conferer, & s'esmerueiller de

hardiſſe. Et croy que ſ'il auoit  
le moyen de ſuppoſer de l'or ou  
des precieus metaux comme il ſup-  
poſe icy des faux paſſages touchant  
des meſchans mineraux, il acquer-  
roit en auſſi peu de temps d'auſſi  
grands biens en Paris, qu'il à faiſt  
en Bretaigne, mais non pas ſans pro-  
cez ny punition.

Quant à Hermes Trimegiſte, ſes  
liures d'Alchymie ne rapportent  
aucunement au ſtyle du Pyman-  
der. Item qu'il n'eſt pas vray ſem-  
blable que ſi c'eſte excorporation &  
disformation metallique euſt eu  
grand cours de ſon temps, que Moi-  
ſe, Platon, & la plus-part des autres  
qui ont puisé aux fontaines des Egy-  
ptiens, n'en euſſent faiſt mention:  
meſmes qu'aucuns eſtiment qu'Her-  
mes eſtoit Iethro beaupere de Moi-  
ſe. Et ſi Tubal & Tubalcain ont

esté malleateurs & febures en tout  
 ouurage d'airain & fer, ce seroit vn  
 argument en Baricocolo qu'ils ayēt *Genes. 4.*  
 pour cela esté Alchymistes, com-  
 me quelques vns ont allegué. Car  
 l'extraction des metaux hors terre  
 & l'ouurage pur mechanique d'i-  
 ceux, est merueilleusement commo-  
 de pour la necessité de la vie: mais  
 leur Combustion, Calcination, Ce-  
 mētation, Dissolution, Putrefaction  
 Maturation, Digestion, Stratifica-  
 tion, Fixation, Sublimation Fulmi-  
 nation, Circulation, Filtratiō, Gra- *De tinctu-*  
 duation, Rectification, Reuerbera- *ra Physic.*  
 tion, Proiectiō, Amalgamation, *p. 496. t. 1.*  
 Coagulation, & autre preparation,  
 plustōst que separation de metaux,  
 soit pour entrer dans le corps au lieu  
 de nourriture & fontaine de iou-  
 uence: soit pour conuertir vn me-  
 tal en l'autre, est vne fort dāgereuse

follic, & vain labeur, & est ce à quoy nous opposons pour nostre deuoir & bien public, tant afin que la santé des hommes n'en soit point endommagée par vaines promesses de guérison & conseruation en incorruptibilité, comme fait Paracelse. Et que sous vmbre de fards la vie des marrys ne soit point tant exposée aux embusches des femmes, & la matiere des poisons & venins si diuulguee, ny pareillement que sous vn foible & corrompu fondement d'auarice, qui est le subiet principal de la transmutation, multiplication, & exemption metallique, les esprits volages curieux & ambitieux de la ieunesse ne soyent diuertis des bonnes lettres & vraye philosophie: qui est la ruine de l'Academie, le plus petit membre, mais necessaire des Estats & royaume: Et s'ils disent que delaisants à dōner

*Par tout et  
au liure de  
natura  
rerum.*



à donner des metaux & mineraux par la bouche , ils en veulent seulement vser aux playes & vlceres malins: ie reorque qu'ils courent manifestement sur l'estat des Chirurgiens, duquel ils nont pas fait preuue d'esprouuette pour se mōstrer capables. Et s'ils se retreignent aux herbes, fruits gommés, & autres drogues aromatiques, ou parties d'animaux, pour les distiller & purifier, il est tout certain qu'ils font l'estat des seruiteurs d'Apothiquaires, combien qu'ils n'ayēt porté le tablier, & que la preparatiō generale contient en soy la separation necessaire , encores qu'ils ny aye difference que d'une lettre.

Pour continuer les remedes modernes & spargeriques le vif-argent *f. 8. verso*  
cru n'est point tel. *lin. 17.*

Et y a plus de trois cēs ans que les villageoises entour Paris en met-

toyent avec de la salive sur la grosse tigne de leurs enfãs : Et Arnould de Villeneuve de son temps 1345. en vsoit à beaucoup moindres maladies.

Dauantage ie dy que si la maladie est nouuelle, ou pour le moins rapportant aux anciennes, c'est sage-ment fait d'essayer les remedes nouueaux comme le Guayac, ou pour le moins rapportants aux anciens, & ce avec iugement de tralation. Pro tertio ie dy que combien que le vñ-argët serue beaucoup en aucunes, si est ce qu'il n'est point necessaire ny seur à toutes personnes d'en vser: cõme nous voyõs que plusieurs natiõs n'ẽ ont point priz l'vsage, mesmes à la verolle laq̃lle ils nousont cõmuni-quee, au reste nous ne fermõs point la fenestre aux remedes nouueaux, ains plustost nous les cõprouuons, estans inuẽtez par la methode des an

ciës: mais nous repoussôs cōme nous  
 sommes tenus les doctrines nouuel-  
 les qui réuersent les vieilles & fonde-  
 mēs des sciēces, & sōt celles que no<sup>r</sup>  
 appellons apocryphes dignes d'estre  
 supprimees avec les personnes qui  
 les metēt en auāt, principalement si  
 elles touchēt le salut ou la santé. La *f. 8. lin. 12.*  
 dessus il no<sup>r</sup> allegue de Vigo auteur  
 renommé lequel guarist le Pape Iules  
 d'une carnosité par remedes nouue-  
 aux, & methode nouuelle: ayāt veu  
 que les premiers ne seruoÿēt de riē.  
 aquoy il ya triple respōce, l'une que  
 ce n'estoit point nouvelle Methode,  
 ny nouveau remede de faire des chā-  
 delles de cire avec antimoine & me-  
 talliques catherætiques fās mordica-  
 tiō pour māger vne carnosité, car Ga-  
 lië nous enseigne la façō cōme le Chi-  
 rurgien doit dresser ses medicamēts  
 exterieurs, en sorte qu'ils paruiennēt

*Au c. des  
 simples &  
 Meth.*

liure 5. des  
Simplis.

1. 82

& attouchent à la partie qu'ils veulent garantir: & ainsi le Medecin les medicaments interieurs pour les faire penetrer aussi seurement que par spagerie. Item l'antimoine, vitriol, Ceruse, Pompholix, thuthie ont par luy esté mis pour les principaux deterfifs, & catheretiques sans mordication estans bien lauez. Bref de Vigo ne guarist point autrement la carnosité du Pape Iules, que Galien guarissoit les siennes, Sinõ qu'il trouua l'expedient gentil de profiler auant auec les chandelles, qui n'est pas vne nouvelle science. Au reste c'est vne tresgrande Methode quant l'on à failly a vne façon, connoistre pourquoy elle n'est pas bonne, & d'auoir recours à l'autre meilleure, par le moyen du tresbuchet delicat non pas des affineurs, & leurs semblables: mais de Critolaus, Zenõ

Cleanthes ; qui pezoient iusqu'à vn  
 effelin de raison. Car ce pendant la  
 Methode vniuerselle de la science  
 demeure, & non pas en vser comme  
 la Riuiera, qui a fait prendre pour  
 80.liures d'eau de canelle à vne Da-  
 moyelle de Bretagne Phthifique  
 logee au bout du pont saint Michel  
 & continua si bien qu'elle mourut.

Or quant à ce qu'il dit que Galien *f.8.l.3.com  
mēt. sur le  
6.l. des E-  
pidemies  
sur la fin.*  
 escrit que Dioscoride & Artemido-  
 re ont changé les vieilles leçons  
 d'Hipocrate, & neantmoins Diofco-  
 ride estre l'oracle des Simplistes, &  
 la dessus dresse vn argument qui se  
 tire par les cheueux, il s'abuse gran-  
 dement. Car ce n'est pas celuy qui a  
 escrit des herbes qui à changé les di-  
 tes leçons, mais vn autre pratticien  
 de mesme nom, natif de Tarse, qui a *l.4.7. &  
8.de compo  
sit. medic.  
secundum  
genera.*  
 descrit plusieurs cōpositiōs & pour-  
 roit estre que cōme la Riuiera croit

f.17.l.18.

qu'il n'y aye qu'un Roc Baillif au monde, aussi il n'y eust qu'un Dioscoride: avec ce que changer vne leçon n'est pas renuerfer vne discipline. En ceste façon les faulſes allegations de texte Hippocrat. produittes en ce brouillon, ce seroit autant de renuers donnez à Hippocrat, & à ses supposts. Cōbien que ie ne veuille pas asseurer qu'Hippocrat aye tout ſceu, & qu'il ne se puisse riē adiouſter de nouueau en ſa doctrine: mais il faut q̄ ce ſoit ſuiuāt les principes & methode ia eſtablie. Mais ie ne puis diſſimuler que l'ayāt trouuē en tāt de ſuppoſitions, & falſitez de paſſages, & ignorāces du ſens, ie n'y adiouſte encores celle qui eſt d'Arnauld de Villeneufue. Auquel apres auoir cherché ie n'ay trouuē aucunemēt celieu d'auoir guarý Henry Duc de Veronne de lepre en trois

iours avec de l'essence d'or, & quāt el-  
 le y seroit, ie ne le croiroy pas pour-  
 tāt, sachāt biē que par toute bōne rai-  
 sō la lepre n'est point guarissable, ny  
 l'or cōmunicable à nōstre nature, si-  
 nō que dissout par corrosifs qui sont  
 poisōs presens. Et q̄ luy mesme Ar-  
 nauld & Iehan de Rupeſcissa con-  
 seillēt de n'ē vser poīt. Et si toutes les  
 ars qui sōt reprouuees deuoiet estre  
 confirmees par quelques auteurs, il  
 n'y auroit impietē qui n'eust lieu. Et  
 fil ne tenoit qu'à alleguer authori-  
 tez cōtraires de ceux qui ont detestē  
 & reprouē l'Achymie, nous en  
 fourniriōs bien plus. Cōbine q̄ nous  
 ne la detestōspas, mais nous luy vou-  
 lōs faire garder son rég entre les der-  
 niers, plus vils officiers seruāts de la  
 medecine, & nō pas laisser prendre  
 le nō de sa maistresse en la reprenāt.  
 Au surplus ce n'a point esté l'Al-

*Erastus de  
 auro pota-  
 bili.*

mie ou Spaginé moderne, qui nous a appris la proportion ou correspondance du corps humain à l'Vniuers. Car l'ôg temps deuant Paracelse ny Geber, elle a esté cognue par Hippocrate, Aristote, Platon, Lucrese, Plin ne & autres: Et scauons bien de long temps, voire auant que Theognis nasquist, que tout ce monde n'est qu'une boutique d'apothicquaire. Non pas vn alembic de verre, comme dit quelcun: car il se casseroit trop tost, & cognoissons bien si nous auôs des yeux que le Ciel n'est qu'un liure ouuert & esté du pour nostre instruction: mais pour cela il ne s'ensuit pas que ceux cy ayent peu lire plus clairement, dedans (car ils n'ont pas si bone veue à cause du feu) ny qu'ils en ayent tiré quelque esprit de reuelation, ou peu ouir plus clair quelque son ou leçon. Et ce sont raisons, de Brezoles

*Guinterna  
pag.*

*Adam à  
Bodesthin  
en la prefa-  
ce deuant  
les eures  
de Paracelse  
fol. 6.*



de Brezoles ou Falaize de dire, que tout ainsi qu'aux extremes maladies il faut vser d'extremes remedes, ain- *Id. ib. f. 7.*  
 si aux derniers temps il faut faire vn dernier effort de Medecines. Plu-  
 tost ie retorqueroiy que tout ainsi qu'Adam & les premiers peres estâts  
 sobres continents ils estoient plus *Presidẽr de la Torrette en son petit liure de l'or potable.*  
 forts & vsoyent de l'or potable (cõ-  
 bien qu'ils n'eussent point de four-  
 neaux deuant Tubal) par forme de  
 Medecine : Ainsi maintenant que  
 sommes crapuleux, nous sommes  
 plus foibles, & par consequent de-  
 uons estre purgez delicatement. Et  
 de penser que les plus depurez su-  
 blimez & quintessentiez remedes *Guinterius p. 26. com- ment. 2.*  
 soyent les meilleurs sans distin- *et pag. 28 ibidem.*  
 ction des personnes la comparai-  
 son qu'ils donnent des viandes ha-  
 chees, pressées, consommées, ne cor-  
 respond pas. Mesmes nous tenons

en bonne philosophie, que les Elements ( fils se pouuoient trouuer purs exactement ) tueroient plustost qu'ils ne nourriroyent.

Et tout ainsi qu'oster du corps a quel que medicament aide à la pénétration, aussi luy donner corpulence aide à la purgation, exemple des pilules. Et vouloir dire que Salomon & S. Iehan en l'Apocalypse ayent figurement deschiffré toute l'Alchymie & que par elle le mode eust esté fait, & que Dieu ayé esté le premier spageirique, ny que Melchisedech aye esté engendré par voye d'alembic, ou en vne bouteille, sous vmbre qu'il est escrit qu'il n'auoit point de pere, ny que le monde à la fin deuienne de verre, comme disent aucuns. Ce seroit cabalifer toute l'escriture & rendre la foy fragile comme verre. Mais pensez qu'il fait bon veoir

nostre nouveau Docteur metallique  
 alleguer à tour de bras Hippocr. au *f. 27. l. 20.*  
 liure de morbis mulierum. Et ne fa-  
 uise pas que ces liures là, s'oyent suspects  
 combien qu'ils soyent citez de Ga-  
 lien, mais avec caution de ne croire  
 pas tout ce qui y est cōtenu, & qu'il y  
 a des additamēs d'autrui. Luy mes-  
 mes Galiē, lequel ne se destourne pas *Therap. 3. ch. 3. & li-  
ure 13. ch. 20.*  
 voulōtiers de la doctrine de s<sup>r</sup> Mai-  
 stre s<sup>r</sup>as prefacē d'hōneur, dit tref-ex-  
 pressēmēt q<sup>ue</sup> les mineraux ne doiuent  
 entrer aucunemēt dās nostre corps,  
 & apres les auoir quasi tous nōmez  
 met particulièrement l'airain bruslé  
 & le vitriol. Avec ce q<sup>ue</sup> ny la rouille *De compo-  
sit. medica.  
sec. locos.*  
 d'airain ny celle de fer ne sont point  
 metaux, ains choses quelquefois ar-  
 tificielles quelq<sup>ue</sup>fois naturelles cōme  
 maladies surcroisātes en forme d'ex-  
 cremens, & impuritez à l'airain & au  
 fer. Or n'ay-ie pas nyé que quelques

mineraux ne puissent estre pris par la bouche, cōme le sel, alū, soulfhre, vitriol, mesmes aux bains: mais des metaux ie ne trouue aucune bonne action dans nostre corps si ce n'est pour dessecher ou faire vomir, estāts cruz ou bruslez sans lauer:& de l'or comme vn cōtrepoison de ceux qui auroient esté trop frottez de vif-argent lequel au reste pris en grande quantité charge fort l'estomac.

9<sup>e</sup>. Pourroit on nommer aucune bōne actiō que les plātes & parties d'animaux ne fassent aussi biē oumicux que les metaux ny fossiles, soit dedās soit dehors le corps. Car les purgations electiues, les vomissemens, les dessechemens, les saliuations, les sueurs, les repercuSSIONS, les rafrechissemens, les penetratiōs, les astrictions, les deterfions, les corroborations, les euocations, ou traittes d'en

haut ou bas, les mollissements, les endormissements, les assoupissements, les cauterres, les arrestements, les estouppements, les apertions, & sur tout les nourrissements se font aussi bien ou mieux par les vns que par les autres: cependant les plantes & parties d'animaux sont familiares à nostre nature, & se peuuent conuertir en elle (ce qui est accordé d'un chacun) & les metaux ne le peuuent pas, au moins nous le debatōs ainsi. Car qui fut iamais la ville assiegee, laquelle en grand disette de viures & abondance de fer ou fonte se soit auisee de chercher nourriture d'iceux. Ny qui a veu autre animal pressé de faim qui aye peu tirer d'aucun metal tant soit peu de substance: car ce que l'on dit de l'Autruche il n'est pas ainsi, & cōbien qu'elle aualle de petits cloux si ne s'en

nourrist elle pas, nō plus que les pou  
lesde grauiers, ny quelq̃s vignes en Al  
lemagne de filets d'or, ains elles s'ẽ ra  
clent & nettoiyẽt l'estomac seulemẽt.  
Et ne scay cōme l'õ pourroit prouuer  
par les sens que l'or nourrit, sinõ que  
quelcun d'eux voulut par quelque  
mois, & tāt que ses facultez ou forces  
pourroient porter, ne manger autre  
chose: mais ie crain que l'exemple de  
Midas l'en destournast.

Certainemẽt le propos & aduertif  
semẽt d'un des grāds persōnages de  
ceste ville est à marquer, quāt il des  
courage les ieunes Medecins de n'y  
fer pas temerairement de remedes  
estrāges: Iamais hōme dit il ne creua  
de rheubarbe, & n'y a si forte mala  
die que l'on ne puisse desfrocher par  
le menu & par medicamẽs cōmuns  
dōnez en temps & lieu, & qu'il faut  
iouer au plus seur, & que les metaux  
en nettoiyāt le chaudrõ emportẽt sou

*Alexāder  
ab Alexā  
dro genial.  
dier. cap. 9.  
lib. 4.*

uent la piece cōme leur semblable & la maladie ensemble. Ce que souloit aussi dire de mō tēps & en chaize Ieā Baptiste Montan à Padoue, en detestant publiquemēt la bizarrerie d'Alchymie é laquelle toutefois il estoit fort experimēté; cōme aussi iay ouy le tāt aymé Faloppé en pleine leçon & mesme chaire, demander pardō à Dieu de ce qu'il auoit autresfois en ses ieunes ans dōné du precipité par la bouche encores qu'il n'en fut poit mal auenu, ce qu'il a laissé aussi par escrit. Et ay tousiours leu & ouy dire que les medicamens souterrains ont quelque malice sous-terrine que d'aucuns appellent Saturnienne, les autres Mercuriale & ceux qui regardent le Ciel ont plus de benignité du Ciel. Pour le regard des autres auteurs que nostre hōme allegue cōtre nous il n'en faut oublier deux celebres, l'vn I. Guint. Ander. leq̃l tāt fē

*Georgius  
Agricola  
de subter-  
raneis.*

*pag. 17. l. 5.*

faut que il auoue les medicaments  
 Paracels. que non seulement il re-  
 prend leur transformation de tar-  
 tarisation excarnification pretédue  
 de metaux, & vsage d'iceux dans le  
 corps, mais aussi leur obscures parol-  
 les & façon d'enseigner anigmati-  
 que: Et singulierement de l'or pota-  
 ble ou exalté il en touche a parte-  
 ment l'incertitude & vanité. Com-  
 bien que d'ailleurs il en couche la  
 maniere que promet l'Alchymie &  
 sous la creance de n'en rien croire,  
 mais de peur de rien oublier.

Et quant à Vvecherus lequel a escrit  
 vn grand & petit antidotaire il a ra-  
 massé ou il a peu, par cy, par là, des re-  
 medes de toutes parts sans certitude  
 d'espreuue ny garantie comme  
 Gesnerus en son Euonyme. Suidas  
 a escrit des bruits recueilliz du tēps  
 de Diocletian. En quoy il se mon-  
 stre

p. 662. &  
 653. Com. 2.  
 Dial. 7.

Et p. 3. de  
 vet. & no-  
 ua Med.  
 Com. I.

p. 650. &  
 suivantes  
 du com. 2.

Dialog. 7.



stre meilleur grammarien qu'histo-  
 riographe, de dire que l'Alchymie  
 aye rendu l'Egypte indomptable,  
 car elle auoit esté deuant domptee  
 par plusieurs fois & iamais Diocle-  
 tian n'y fait guerre. Le reste des au-  
 theurs qu'il cite la nont point reco- *f. 17. verso*  
 gnu impossible separer ceste manu- *lin. 12.*  
 facture d'Alchymie du corps de la *sequent.*  
 Medecine: ny pensé qu'elle demou-  
 rast manque sans elle. Bien en ont  
 ils touché quelque mot comme estat  
 inferieure & subalterne de l'orfaue-  
 rie & apothicquairerie, laquelle faul-  
 sement & mal à propos ledit la Ri- *f. 18. lin. 4.*  
 uiere appelle venenosité. Et pour re-  
 brousser plus haut les effets admira-  
 bles qu'il attribue pour la goutte  
 aux perles & corail, il est certain que  
 ce sont parties ou excrements d'ani- *fol. 9. lin. 3*  
 maux & plantes, & la spagirie ne *& sequen-*  
 leur donne que penetration & rete- *tibus.*

nir vne fluxiõ pour vne fois n'est pas  
 oster la cause double & inseparable  
 de la goutte infiltrée. L'huile de ma  
 stic & ius de citron ne sont point  
 impertinens pour la grauelle, & ne  
 sont pas nouueaux, ny metaliques,  
 ny spagiriques: mais il n'en faut fai  
 re tāt de cas. Et quāt à l'eau de crist  
 encorés que ce soit vn elemēt cõge  
 lé, ie luy nye formellemēt qu'elle rō  
 pé la pierre à la vessie. Et quāt au ma  
 gistere de prime - vere qui guarisse  
 du mal frāçois sās garder la chābre,  
 c'est vne imposture sans distinction:  
 avec ce q̄ c'est vne plātē à laquelle le  
 magistere ne dōne pas lātidote & re  
 mede specifique à la verolle. Mais le  
 vitriol de Hōgrie, fut il bien mis en  
 beurre ou en fromage, ou de Rome  
 ou des Antipodes ne guarist nō plus  
 l'Epilepsie, q̄ fait la Piuoine ou sãg de  
 chauues - souris & autres: & l'un ny  
 l'autre y sert de bien peu, si ce n'est

*De cõposit.  
 med. sec.  
 loc. & de  
 puero Epil.*

avec les distinctions que i'ay mises  
au parauant.

Pour le regard de la Corne de l'ani<sup>f. 2 verso l.</sup>  
mal nommé Abadab, & de la pierre ne<sup>8. & seq.</sup>  
phrtique, nous n'auôs point veu ces  
effets de promesses, que cestuy cy à  
la relatiõ des marchãs Espagnols ve  
nãs des Indes Occidentales, qui ont  
enuie de la vëdre, promettët & asseu  
rët. Et l'Apothicquaie Porret qu'il  
nôme, & lequel premier à vendu de  
ceste corne d'Abadab, n'ë dit auoir  
veu autre chose sinõ qu'en la goutte,  
encores peu deffect. Et en a l'on veu  
de la vraye pierre nephritique ap  
portee par grande excellence d'un  
des premiere de sa robbe en ceste  
ville laquelle appliquee au bras cõ  
me enseigne l'histoire de Monardis  
n'a rien fait.

*Chap. de la  
pierre ne  
phrit.*

Mais quand il serait ainsi que ces  
deux simples (combien que l'un soit

partie d'animal ) eussent les vertus  
 qu'il leur attribue (ce que ie luy n'ye  
 formellement,) si est ce qu'il a tort  
 de nous reprendre que nous n'en v-  
 sons point, veu que Monardis dit  
 luy mesmes quelles sont fort rares,  
 & les Rois d'Inde en font si grād cas  
 que nous n'en pouuons auoir: partāt  
 ie me douteroy plustost de supposi-  
 tion que de perte de forces pour le  
 changement des naturels. Aussi que  
 nous auōs d'autres simples, qui sont  
 plus approuuez d'estre d'aussi gran-  
 de vertu, & plus communicables à  
 nostre nature: qui est la pierre angu-  
 laire de ceste matiere minérale.

*fol. 8. verso*  
*lin. 8.*

Touchant l'eaue de vie, elle n'est  
 point nouuelle, ny Spagiricque in-  
 uention, car les derniers Grecs, l'ont  
 cogneue: mais sa rectificatiō si fre-  
 quente & elabouree est nouuelle &  
 de nul vsage pour la santé, & plustost

dangereuse dans le corps.

Et ce que l'õ s'ẽ sert maintenãt aux  
 vlceres fordidẽs n'en faiẽt pãs l'in- *Au com-  
 menc. du  
 liure de  
 vulneribus  
 capitis &  
 de vlcerib.*  
 umention nouuelle, car ce quelle à de  
 bon elle le tient du vin duquel des  
 dẽs le temps d'Hypocrat l'on lauoit  
 playes & vlceres: & n'est pas dit que  
 tout vsage de feu & distillation se  
 doiue rapporter à Spagirie. Aussi  
 qu'il y a des sucz de plantes, du nom  
 bre desquels l'eau de vie est, qui y ser  
 uent autant. Et ce que Dioscoride  
 enseigne de nettoier le grosse baue *Chap. 38.  
 du liure 5.*  
 & humeur qui s'amasse aux vlceres  
 aũec la fleur dairin: cestuy cy com  
 me estãt en possẽssiõ d'alleguer faux  
 dit & nous obieẽte que Dioscoride *f. 27 l. pen.*  
 la donne à boire & qu'elle purge les  
 4. humeurs, & que c'est au 43. cha  
 pitre du 5. liure, auquel toutesfois il  
 ne parle que du vin de gommẽs.

Venons maintenant à l'or pota-

ble, duquel ie cōfesseray n'auoir pas grand' cognoissance pour le peu de tēps que i'ay vacqué à la recherche d'iceluy, mais nō pas si peu que ie ne sache biē qu'il reuiēne en sa nature metallique cōme Paracelse consene qu'il ne se peut faires autrement, & qu'il ne peut nourrir & engraisser nostre corps, ny nous resiouir & raieunir & guarir toutes maladies. Parce que la vraye philos. & sēs naturel nous apprēd que chacun est nourry de cest dōt il est cōposé, & que nous ne sommes composez d'or ou autre fossile, nonobstāt la fable de Deucalion, & moins encores de souphre, sel, & vif-argēt. Et nostre chaleur naturelle ne scauroit venir à bout de conuertir, & incorporer ou plustost excorporer ny l'or ny le vif-argent, Et suiuant la permissiō de Dieu portāt cōmādemēt & exceptiō du cōtraire

*Troisième  
des Arch.  
et au liure  
de la quin-  
tescence p.  
87. tom. I.  
liure de la  
med. Cele-  
ste.*

*En Ma-  
nuel pag.  
557. du 1.  
tome.*

tout ce qui est viuât & mouuât nous  
 peut nourrir: Etcōme dit le premier *Genese 9.*  
 & singulier Theophraste nul inani-  
 mé, & qui n'a p̄cipe de vie n'ē peut *liure 2. de*  
 dōner. Et si l'ō respōd q̄ l'ō luy dres- *causis plan-*  
 sera quelque mixtiō au moyē de la- *tarum.*  
 quelle il sera rēdu vegetable: ce n'est  
 pas la façō cōme l'ordōne Paracel. le  
 quel veut aucunes fois q̄ l'ō n'y adiou-  
 ste riē, quelquefois aussi que l'ō le fa-  
 ce avec excremens tant metalliques  
 qu'humains, bref sallades & vinaï-  
 grettes saffrannees & saulpoudrees  
 merueilleusemēt dāgereuses, encore *De tinctu-*  
 qui soient extraictes de miel & vin. *ra Physic.*  
 Or mesler des choses inanimees em- *Au liure*  
 sēble, à fin qu'il en resulte vne ani- *de la quin-*  
 mee, & nouuelle forme substantielle *te essence.*  
 est ouurage de nature seulement, ou  
 plustost de Dieu, & non pas d'artifi-  
 ce, & les formes naturelles viēnēt du *Arist. 1.*  
 Ciel nō pas de verre, ny du fourneau *Meteor.*  
 ny du charbō, ou centre de la terre.

Et ny a creature viuante qui sache  
 les degrez ny poids de mixtiõ pour  
 induire vne nouuelle forme celeste:  
 ny aucũ Promethee qui aye le vray  
 feu en la main pour souffler dans  
 vne piece de terre morte & muette,  
 laquelle n'a ny semence ny men-  
 strue ny corps ny proprieté aucune  
 vegetale. Et la chaleur du feu, nostre,  
 commun, ou du fumier brusle sepa-  
 re, & corrompt; mais ne peut restau-  
 rer vne forme perdue ou remettre  
 ce quelle a separé, ou en induire vne  
 autre en matiere qui n'est pas pro-  
 pre ny correspondante pour en re-  
 ceuoir: & des comparaisons d'un mi-  
 roir ardent, & bouteille d'eau par  
 laquelle le rayon trauerse: ny d'un  
 instrument pour eclorre des œufz à  
 la chaleur d'une lampe: ny de la ter-  
 re criblée estant enclose d'as du ver-  
 re au soleil, & produissant herbes &  
 ani-



animaux en trois iours, ne s'ot point  
 suffisantes & clochent toutes d'un  
 pied: car aux œufs, & en la terre il y  
 a de la semence inseparable & puis-  
 sance passiue, & quād l'on ne la met-  
 troit point au Soleil elle ne l'airroit  
 pas d'elle mesmes de produire her-  
 bes & animaux, ce que ne feroit pas  
 le metal. Quāt à la cōparaïson d'une  
 herbe aromatiq brullee, & arrousee,  
 qui reuienne de ses cendres, ellen'est  
 aucunement à propos, encore qu'el-  
 le fust vraye: ce que ie n'ay peu onc  
 experimenter quelq diligēce que ie  
 aye fait: aussi que nous parlōs des me-  
 taux & fossiles, qui n'eurent iamais  
 vie. Icy me pardonneront les ex-  
 cellens personnages qui ont autres  
 fois traitté les metaux & manié le  
 feu, & depuis l'ot l'aissé, si ie leur suis  
 contraire en ces belles comparai-  
 sons & obseruations que j'ay apprises

d'eux, & si l'on veut soustenir qu'ils viuent & ont leur bouche & leur estomac hors leur corps (comme soustiet Paracelse & Cardan) ie les renuoye à Scaliger. Or il y a grande difference entre addition & vegetation, entre estomac interieur ou exterieur.

Et quant il seroit ainsi que l'on peust si bien agencer & mixtionner l'or par ouurage de feu, que l'on en peust tirer vne forme vegetalle & naturelle, nouuelle, celeste, voire Archangelique & qui nous peust nourrir, comme ils disent, elle ne nous contregarderoit pas par l'incorruptibilité de sa substance, car elle seroit ia corrompue & alteree d'autant que toute chose qui nourrit se conuertit en la chose nourrie, & ainsi elle demeure corrompue, & sa forme & force esuanouye par l'alteration des qualitez, & trās-

substantiation. Et luy mesmes dict q  
 les metaux nous nuirroyent dans le  
 corps s'ils n'auoyent depose leur  
 nature metallique: en laquelle est  
 cachee l'incorruptibilite, qu'il ap-  
 pelle. Et en vn autre lieu: dequoy  
 nous sert, dit il, de prendre l'or en  
 substance, ny potable, s'il est redui-  
 sible en sa nature metallique, si  
 non qu'ou pour le rendre tel qu'on  
 l'a pris par le fondement, ou pour  
 nous dorer les taves interieures de  
 l'estomac. Et au Manuel pag. 66. du  
 premier tome, il confesse qu'encores  
 apres la dissolution, il est poison. Et  
 en vne autre lieu, que combien que  
 l'or se dissolue parfaitement en es-  
 sence laquelle ne reuint plus en na-  
 ture metallique par corrosifs sube-  
 lins qu'il baptize resuscitatifs, si  
 est ce que l'arcane est si grand qu'il  
 -l'an 8, xxiij sup 22b noirre, et l'asq

*Au liure  
 de la cōposi-  
 tion des me-  
 taux p. 196  
 du 1. tome.*

*Au liure  
 de la quint  
 essence p.  
 87, du 1. t.  
 lin. 12.*

*Et de speci-  
 ficis p. 176.  
 du 1. tome.  
 l. 13. & au  
 liure de Eli-  
 xiribus.*

*Au liure  
 de vita lon-  
 ga p. 206.  
 p. 8. du 1. t.  
 Au troisié-  
 me des Ar-  
 chidoxes.*

réduit tous ces corrosifs (qui d'ail-  
 leurs sont poisons exquis & vray feu  
 de gehenne) en antidotes & contre-  
 poisons, voire en la nature de l'or  
 mesmes & mille autres folies cōtrai-  
 res & impossibles, que j'ay oublié,  
 car ce seroit rēdre vn mesme agēt &  
 patient. Mais ie me souuiens mieux  
 de la sentence Epicharmide, que les  
 nerfs de prudence est ne croire pas  
 de leger & suis plustost de la part du  
 proverbe commun, A grand vātard  
peu de fiance: au reste le retour de  
 nopces de ceux qui ont voulu ou en  
 grossir leur bourse ou prológer leur  
 vie, me descourage de m'y fier ny  
 réuoyer mes malades. Il y a infinies  
 autres mēteries cēt fois plus grossie-  
 resque celles de Lucian, lesquelles ie  
 ne puis ny veux poursuiure icy, &  
 les lairray acheuer de combattre au  
 doctissime Courtin. Erasme, Simō Si-

monius, Dessénus, Cronenburgus.

Mais voyés par q̄ls argumēs & ex- *De quinta  
essentia &  
de tinctura  
phiscorū.*  
ples la Riuiere prouue que l'or se dis-  
sout parfaittemēt & en essēce à la Pa-  
racelsique, comme ie l'en auoy desie.

Premierement par la sainte escri- *fol. 28. de  
son liure  
lin. 4.*  
ture: Car il est dit que par Moise fut  
le veau d'or ietté en pouldre dans  
le fleuve Iourdain, & fait boire aux *Exodi 32.*  
enfans d'Israel. A quoy ie m'esmer- *Deuter. 9.*  
ueille qu'il ne craint plus souuent  
les faulses allegations, veu qu'il en  
est si souuent repris: Parce que ce ne  
fut pas dans le fleuve Iourdain, ny  
en nulle autre riuiere que fut ietté  
le veau d'or, qu'auoyent soufflé &  
adoré les Iuifs, & n'estoyent pas en-  
cores sur le fleuve Iourdain: & quād  
il seroit ainsi, cela porte sa responce  
en croupe: car le donnant à boire  
auec de leau, c'est signe qu'il n'estoit  
pas potable de luy mesmes, & pul-

uerization d'or ou autre metal n'est  
 pas dissolution parfaite, ny Para-  
 cellique: & appartient aux Apothic-  
 quaires & Orfeures, plustost qu'à  
 leurs subalternes Alchymiques. Et  
 n'est pas dit que la Riuere ressemble  
 en toutes choses à Moïse, mesmement  
 en sçauoir de physique, vertu mora-  
 le, & autorité de miracles. D'auan-  
 tage c'estoyent choses mystiques, &  
 ainsi de Dieu commandees, quasi pour  
 penitence, & plus grande detestatiō  
 d'auarice, qui est vraye idolatrie &  
 admiration d'or, afin que les Iuifs  
 voyans leurs Dieux entrer pauvre-  
 ment dans nostre corps, & se rendre  
 aussi avec la matiere fecale, ils les al-  
 lassent là chercher: qui seruiroit en-  
 core pour condamner ceste enra-  
 gée courtoise de trāsmuer les metaux  
 & insatiable curiosité, iusques à  
 nous en vouloir nourrir contre na-

turc: Estimant rendre le siecle doré  
 si l'or est pris de tous estats. Com-  
 bien que ie sache qu'il y aye d'au-  
 tres interpretations, & sens allego-  
 riques, approuuez de saincte Egli-

*s. Aug.*

*Tielman.*

Et quand à ce qu'il continue à di-  
 re que l'or se met en vn moment en  
 poultre impalpable par l'odeur seu-  
 le du plomb fondu: ie luy d'y ce que  
 dessus, que puluerisation n'est pas  
 dissolution. D'auantage qu'il ny a  
 odeur ny au plomb, ny à l'or, ny ac-  
 tiue ny passive, ny dur ny fôdu, que  
 terrestre & vn peu sulphuree. Outre  
 ce que ie maintien q'c'est vne chose  
 auancée & hyperbolique, ce que ie  
 luy prouueray de ma bourse à la sié-  
 ne, à vn escu pour cent, au dire des  
 orfoures, ce qu'il dit apres que le  
 sel dulcifié de la rane, en fait autant,  
 est tout éloigné de raison ne s'arde

*f. 28. lin. 8.*

fel qui est dulcifié n'est plus fel. fil n'est infatué. Et ne dissout ou comminuel'or aucun fel, si ce n'est par sa falsitude, corrosion, & acrimonie.

La mesme responce eschet a ce qu'il dit de la seconde teste de l'hydre des anciens, car c'est vne fable voirement en toute sorte que l'on le voudra prendre, mal entendue toutesfois de la Riuiere, & qui ne porte aucune allegorie Chymique, & moins encores de la dissolution d'or, non plus que celle de Medec & Aeson: & montre plustost la prudence & constance du Magistrat, d'estaindre par feu & fumee, a l'exēple d'Hercules, les sectes nouuelles, qui n'apportent que contention feu & fumee: au reste celuy qui veut bastir ou introduire vne nouuelle doctrine, ne doit pas vser de fables ny d'un iargon bigarré, & mots Babyllo-



byloniques n'ayans approbation ny  
 etymologie d'aucune langue ou na-  
 tion: & la raison & autorité qu'il  
 allegue de Galien sur ce different,  
 n'est pas faulſe, mais elle fait contre *fol. 28. ver*  
 luy. Recours à la lecture d'icelle. *ſo. lin. 14.*

Et n'ay pas deliberé de refuter icy  
 mot pour mot toutes les erreurs &  
 absurditez contenues en ſon liure,  
 Id'autant que ie ſuis preſſé tant de  
 l'impreſſion que de la cherté du tēps.  
 Auſſi qu'il en viendra d'autres après  
 moy, qui reuannerōt mieux la groſ-  
 ſe ordure, & luy reſpouſſeront aux  
 yeux. *f. 29. lin. 8.*

Mais la plaiſante hiſtoire de l'hyr-  
 -cus qu'il fait venir de deſſous les cof-  
 -fres ſans propos aucun, eſt digne d'e-  
 ſtre entendue pour la fin & bonne  
 bouche. Parce qu'il dit que c'eſt vn  
 petit conil ( qui ſe nourrit ſous les

coffres) appellés d'Inde, & se vend  
 en la Cour du Palais: le sang duquel  
 fait ce que nous cherchons au bouc,  
 lequel par sa seule puanteur fait  
 mourir. Or parce que il semble qu'il  
 y aye autāt de fautes en ceste propo-  
 sition là que de lignes & qu'il la ia  
 vne fois alleguee en son Demosted-  
 rion, il faut dire que c'est quelque  
 grand secret, & d'ailleurs parce qu'il  
 fait des nōs nouveaux latins subiers  
 à la cohue de Priscian, & parce qu'il  
 inuente des descriptions fort rheto-  
 riques d'animaux & leurs facultez,  
 contre l'autorité de Gesnerus & au-  
 tres Zoographes. Et qu'il contredit  
 manifestement à Plinie, Galien & A-  
 lexandre Trallian, lesquels l'appellent  
 disertement *αἷμα ἰσχυρὸν*: qui est  
 vray sang de bouc, lequel ne fait  
 point mourir de sa puanteur moins

*Gallien. 9.  
 des simples  
 Trallian. 8*

que le Castor, & est propre pour le  
 calculsi on le melle à la terre sigillée;  
 ie ne duy diray autre chose si nō que  
 ie ne veux pas nier que le sang de lie  
 ure & de mesmes fortes d'animaux,  
 ne rompt aussi la pierre aux reins,  
 mais aussi celuy de hircus qui est  
 boulo, & de caper qui est cheureau,  
 rōpt aussi & mieux & pierre & Roc  
 tant aux reins qu'au cerueau, donc  
 ques il a tort d'auoir commence ce  
 ste reprehension la contre nous à luy  
 inconnus. Quant au deffu qu'il me  
 fait de venir aux mains, qui est com  
 me ie croy, de veoir des maladies  
 & entreprendre à les guarir, au  
 quel de rechef il semble m'appel  
 ler, si ie ne pensoy faire tort tant  
 aux Arrests de deffence, qu'à la  
 Compagnie, au moyen des seize  
 raisons que i'ay proposees deuant

ed me seroit grand plaisir de luy re-  
monstrer amiablement ses fautes en  
matiere de guarison. Quant aux pro-  
testations qu'il fait sur la fin, ie les  
tien au mesmes reng que des autres  
introduceurs de sectes, & croy qu'il  
ne les croit pas luy mesmes & qu'il  
seroit mieux seant de reuenir à son  
premier estat & pays que de vou-  
loir courir sur celuy d'autrui.

fol. 29. ver-  
se lin. 15.

FIN.

Extrait du priuilege du Roy.

**P**Ar grace & priuilege du Roy donné à Paris le xxii. d'Aoust M. D. Lxxix. Est permis à Pierre l'Hullier, marchand libraire Iuré en l'vniuersité de Paris, de faire imprimer & exposer en vente deux liures, l'vn intitulé *Germanus Courtin in Paracelsum* & l'autre *Vray Discours des interrogatoires faits à Roch Bailly surnommé la Riniere*. Et deffenses à tous autres de quelque estat ou qualité qu'ils soient, d'imprimer ou faire imprimer, vèdre ny distribuer lesdits liures iusques à trois ans finiz & accompliz, & d'amende arbitraire, comme appert plus amplement es lettres de priuilege.

# Fautes d'Impression.

Page 17 En l'annotation qui est en la marge sur la fin lisez huit vint douze.

Page 21 lig. penultiesme Dauus lisez Danus, Ostez & ext.

Page 23 lig. 1. vt sepx lisez saxe mordicent

Page 24 l. penult. fort estōnez lisez futēt fort estōnez.

Page 26 lig. 20 cemistiēre lisez cæmetiere.

Page 31 lig. 3 & 4 tmesmus lisez tinesmus.

Page 36 lig. 16 Ex hiis tandem lisez vt ex hiis.

Page 39 lig. 17 *ὁμοιομετρικα* lisez *ὁμοιομετρικα*.

Page 40 lig. 8 Ne voulu citer lisez voulut.

Page 41 lig. 11 les pieds d'un Cancer lisez D'un Cancre ou Escrueille.

Page 42 lig. 12 & ad Ostez l'&.

Page 46 lig. 3 La Riuiere à auoit Ostez l'a & distinctiō.

Page 61 lig. 9 A la marge mettez cinquiesme raison.

Page 65 lig. 10 Madamoyse de Cōcressault ostez cela

Page 66. lig. 3 Madame de Iast lisez du Glast.

Page 75 lig. 13 Du lieu lisez De ceste ville.

A costé à la marge 1578 lisez 1577.

Page 80 lig. 18 phrisc lisez phrhisc.

Page 81 A la marge Bains & c. mettez cela dans le texte apres communs.

Page 82 En l'ânoration Tom. 1. lisez Tom. 2. de Guinterius p. 674.

Page 84 lig. 3 Coutumace lisez Contumace.

Page 96 lig. 9 de la faire lisez de le faire.

Page 112 lig. 7 Empyriques lisez Empyiques.

Page 116 lig. 7 Raimond Lalle lisez Lulle.

Ead. lig. 14 ny son Maistre lisez Ny leu son Maistre.

Page 118 En l'annoration Garmelita lisez Carmelita.

Page 123 lig. 18. Cathæretiques lisez Cathæretiques.

Page 128 lig. 1. Mie ou Spagine lisez chymie ou Spagie.

Ead. En l'annotation Guintera pag. lisez Guinterius pag. 31 comment. 1.

Page 132 lig. 1. priz par lisez Priz innocemment par.

Page 141. lig. 13 le grosse baue lisez la.

Page 140. en l'annotation lisez 81.

Page 144 lig. 16: Et des lisez. Et les.